

四庫全書

集部

欽定四庫全書

集部

橘山四六卷

五四

詳校官庶吉士臣翁樹培

主事臣呂雲棟覆勘

總校官編修

臣

王燕緒

校對官主事

臣

陳文樞

謄錄監生

臣張曹溶

欽定四庫全書

橘山四六卷四

宋 李廷忠 撰

明 孫雲翼 注

賀程侍制

侍制唐官永徽中命弘文館學士一人日侍制於武德殿始有侍制之名

永泰初勅裴冕等並集賢侍制始有侍制之所
宋景德初置龍圖閣侍制元祐令從四品掌侍

從備
顧問

端宸錫命延閣陞班

劉向七略武帝廣獻書之路百年
之間書積如丘山外有太常太史

博士之藏內則延閣廣內秘室之府文選府之延閣東
皆傳贊攝官延閣裁言事之書六典漢書有延閣內

書庫也溫公詩延閣屹中賦祠祿於上京密奉燕閒之

天山谷詩延閣排霄起

問

宋在京宮觀有醴泉萬壽祐神等觀王荆公集祠庭置使實近闕門

聯恩華於右府益

崇定省之權

汪應辰制通班右府禮昏定晨省宋樞密副使制朕用禁林之老典溫省之務

榮

冠中朝

劉輅傳中朝左將軍享慶忌注中朝內朝也

光流奕世

敎傳奕世載德馳於子孫

恭惟某官禮樂先進文章老成擢秀喬林鬱鬱千霜之

幹

哥書文苑傳擢秀士林文選植根芳苑擢秀清流杜詩偶然擢秀非難取又陰崖却承霜雪幹

垂芒

巨闕輝輝百鍊之剛

巨闕劍名荀子閭閻之干將莫邪巨闕辟閭此皆古之良劍也張協

七命彤冠豪曹名珍巨闕曹植寶刀賦踰南越之巨闕超西楚之太阿吳越春秋越王允常聘歐冶子作為劍

五枚一曰純鉤二曰湛盧三曰豪曹四曰魚腸五曰巨闕秦客薛燭善相劍取豪曹巨闕示之曰非寶劍也取魚腸示之曰逆理之劍復取純鉤湛盧示之燭矍然曰光乎如列星之芒如水之溢塘此純鉤也美哉五金之英太陽之精可以折衝拒敵此湛盧也又見越絕書燭居延切廣韻火起貌韻會光明貌古今注百鍊青犢漏景吳大帝三寶刀也袁宏東都賦精金百鍊在斷能割魏武帝論刀曰所謂百鍊利器所以辟邪唐元德秀傳蕭穎士若百鍊之剛不可屈文苑英華拂青萍之出匣百鍊無前又明斷一堅純剛百鍊劉琨詩何意百鍊剛化為繞指柔孟郊詩不有百鍊火孰知寸金精周必大賀吳殿院啟高標聳壑仰喬木之千尋利器切泥別良金於百鍊余日華賀林察院啟凝姿勁肅凜百鍊以彌剛植操森嚴矗千尋而不撓洪适啟金百鍊而繞指不柔玉三獻而蘊此良材樹為佳政杜詩頃來樹佳節則足非罪

所臨皆二天之境衣冠最盛屬一門之賢

唐蕭氏自瑀及邁八世宰

相有衣冠盛事圖東坡詩揮毫欲作衣冠表盛事終當繼八蕭

家傳經學之純世濟儒

科之美愛其有子

左傳士鞅曰武子之德在民如周人之思召公焉愛其甘棠況其子乎

忠於事君鳳凰方在於近樞固知得地

通典自晉魏以來中書監令掌

贊誥命記會時事典作文書以其地在樞近多承寵任是以人固其位謂之鳳凰池焉

騏驎未甘

於伏檻猶擬追風

王敦傳敦每醉後輒咏魏武帝樂府歌曰老驥伏櫪志在千里烈士暮年

壯心未已以如意打唾壺為節壺遂盡缺按晉書拂舞歌詩神龜雖壽猶有竟時騰蛇乘霧終為土灰老驥伏櫪志在千里烈士暮年壯心不已盈縮之期不但在天養怡之福可得永年幸甚至哉歌以詠志文選絕景追

風之騎古今注秦王有七馬一名追風杜詩
須君樞上追風驪東坡詩一騎追風抹馬蹄動丹宸之

深思促蒲輪而入覲

枚乘傳以安車蒲輪徵乘注以蒲裏輪

禁路榮躋於

次對

宋制延閣禁塗唐貞元七年詔每遇延英引見常參官二人訪政道謂之次對官開成元年勅入閣

日次對官於東階松下待宰相奏事退至香案前奏事左右史待奏事訖同出大中三年詔侍制官與刑法官諫官次對宋真宗詔令常參官轉對如故事其預次對者聽封奏熊克啟西清次對為侍從之臣右府贊謀用儒學之士殊庭式燕於真游郊祀志幾至殊庭焉特優養老

之恩庸示教忠之勸

左傳晉懷公命無從亡人狐突之子毛及偃從重耳在秦懷公執狐

突曰子來免對曰子之能仕父教之忠古之制也策名委質貳乃辟也今臣之子名在重耳有年數矣若又召

之教之貳也王荊公集雖愧皋陶
濟美之材敢忘孤突教忠之義

班攬紫橐為漢法從

之上流

挽初銜切

詠播緇衣看周司徒之並命

詩序緇衣美武公也父子

並為周司徒善於其職國人宜之

某叨乘使傳阻綴賓儀

叔孫通傳大行設九賓注

九賓則周禮九儀也

奕奕慶門方有聚星之喜

劉賓客集奕奕四世崔為之冠汝南

先賢傳潁州陳實有子曰元方次曰季方並以名德稱

兄弟孝養閨門雍穆海內慕其風四方並命無所屈就

兄弟嘗過同郡荀爽夜

會宴飲太史奏德星聚

渠渠廣廈信無凌雨之虞

詩于我乎

夏屋渠渠余崇龜啟大廈渠渠敢布燕雀生成之賀亨

塗袞袞益知雲霄步武之高楊升菴丹鉛總錄云屋古

注云具也字書厦屋大俎也今以為屋居非矣周禮有

房俎又禮童子饋無屋以房俎為房室謂童子冠屋其

可乎

賀曾右史

孚號宸庭升班柱史贊中臺之造命詔墨未乾

職官志唐改尚

書省為中臺楊億表中臺職司願講求於故實杜詩制書題未乾劉禹錫詩親賜魚書墨未乾宋董德元詩御

筆題封墨未乾

立右陞以記言汗青有耀

宋制執筆殿陞子言汝記

恩華狎

至懽頌交騰恭惟其官才敵萬夫學該百氏露瓊揚藻

蔚乎瑞世之文

蜀志或語秦宓曰足下自比巢許何故揚文藻見瓊穎乎宓曰虎生而文炳鳳

生而五色豈以五采自飾畫哉天性自然也朝野僉載張驚為兒時夢紫文大鳥五色止於庭以告祖父曰亦

文鳳也紫文驚驚也汝殆以文章瑞朝廷乎遂名驚帶

柳河東幽州刺史呂君之文章宜瑞於百世

矩佩衡偉矣尊朝之德揚雄反離騷帶鉤矩而佩衡兮

也衡平也熊克啟進有德則朝廷尊拒壬人則蠻夷服

位積星之問而交光於麾

節班文石之上而參畫乎鈞樞共推鴻筆之高

王充論衡鴻筆

之臣晉書文苑傳鴻筆之彥陳壽傳贊奮鴻筆於西京騁直辭於東觀世說以鴻筆為鉏耒以紙札為良田崔

駘行紇干泉制俄進螭頭之直許渾詩纔歸龍尾含鵝舌又立螭頭運兔毫

董狐號古良史宜君舉之必書

左傳趙盾弑晉靈公董狐書曰趙盾弑其君孔

子曰董狐古之良史也書法不隱人君舉必書書而不法後嗣何觀

魏謨有文貞風信民

瞻之已具

魏徵謚文貞五世孫謬宣宗朝為宰相諱直無所回畏帝嘗曰謬名臣孫有祖風朕心憚

之

三階在望一武可登某吏鞅見嬰賓儀阻綴望五雲

之瑞方游縹緲之都

水玄虛海賦神仙縹緲矦玉清涯杜詩築居仙縹緲

借一木

之陰尚稅馳驅之駕

舍車曰稅詩駕我乘馬說於株野又星官夙駕說於藥田說音稅李

斯傳吾未知所稅駕注猶解駕言休息也文選息徒稅征駕

賀張侍郎

召還橐英晉陟銓部前裴馬後盧李共揚清鑒之名

盧從

愿傳高宗時吏部號稱職裴行儉馬載及是從願與李朝隱為有名故號前有裴馬後有盧李

上唐虞

下商周仍侍細旃之講

王吉傳廣廈之下細旃之上明師居前勸講在後上論唐虞之

際下及商周之盛

思褒寵甚公論翕然恭惟某官德尊而行方

道遠而任重念天下之欲治舍我其誰想當代之論才

如公者幾

杜詩當世論才子如公復幾人

收聲雋軌振步華塗肅風憲

以糾繩

唐會要御史臨制百司糾繩不法若事簡則風憲自肅若事煩則綱紀轉輕

總台司

之網轄

許劭傳自致台司衆紹傳累世台司文選位亞台司李詩望重必台司

教尊師氏

以六經之文為倡於諸儒

周禮師氏以三德六行教國子唐書韓愈傳贊愈以六經

之文為諸儒倡障隄末流反利以模刻偽為真

令出舍人以單札之辭折衝於

千里雖毀譽之言交至而進退之節裕如迭著民庸益

諸物望二星照臨乎遠邇五袴歌謠於後先俄出綵以

疏榮復鳴珂而入侍天臺秉筆擅激揚清濁之權

李重集選

曹箴序銓管九流品藻清濁

帝幄繙經輔緝熙光明之學

幄幕也周禮注帷幙

皆以布為之四合象宮室曰幄張酺傳侍言帝幙楊秉傳勸講帷幄賀知章詩謀成帷幄中莊子孔子繙十二經以說老聃注繙帛亂取之也詩學有緝熙於光明賢謨斯暢公輔可期某邊傳

所縻賀裾莫綴小宰嚴掌貳之職已借帡幪

周禮天官小宰之職

掌邦之六典八法八則之貳以逆邦國都鄙之治

大儒善調一之功更資埏埴

荀子大儒者善調一天下者也無百里之地則無所見其功又陶人埴埴而為器注埴擊也埴粘土也

有

懷開懌罔罄輸陳

遠迎趙倅

綸詔明揚緹屏肅駕

黃霸傳別駕主簿車緹油屏泥於軾前以彰有德岑參傳別駕得王

祥

周有治中舊矣實專綱紀之司

通典秦置郡丞以佐守漢因之于定國條

州大小為設官員治中別駕諸郡從事晉因之而省郡丞唐以堂吏朱儉廉為華州別駕給事中蕭昉駁曰別駕古為治中與刺史同宣教化宜以人吏兼副政之名續通典錄事參軍綱紀一郡杜詩君行佐紀綱

唐

以皇族為之益重腹心之寄

通典分紀唐武德元年改郡丞為別駕又改雍州別

駕為長史高宗即位改別駕為長史別
駕以皇族為之至開元中始通用庶姓
輝光所燭文選燭代

輝梁楊盈川皇族志光輝則
若木十枝被潤則長河九派
歡忭惟均恭惟某官雅度

川沖

晉書文苑傳金相玉潤林薈川沖

英標山峙

謝萬嵇康贊邀矣先生英標秀上魏略許

勅山峙淵停行應規表

傳四十篇之古樂

禮樂志河間獻王采禮樂古事稍稍增輯至三

百餘篇景十三王傳武帝時獻王來朝獻雅樂對三雍宮

奏三千字於帝庭籍籍有

聞軒軒孰禦天下半為姬姓孰比德於宗英

啟傳河間賢明禮樂

是修為漢宗英晉書清徽至範為晉宗英

江間號曰番君遂通名於禁籍吳

傳秦時番陽令也甚得江湖間民心號曰番君

錦繡山又煩於小試

錦繡山在無為州即

繡溪發源處

松竹林猶有於清陰正須題仲舉之興

陳子昂集題興

佐岳無展驥之能盧藏用詩與回仲舉題杜詩述職景題與李詩題與何俊發

未足展士元之

驥

蜀志龐統字士元南州士之冠冕也以從事守耒陽令不治免官魯肅遺先主書曰龐士元非百里之才

使處治中別駕之任始當展其驥足耳乃以為治中張祐詩展驥莫先龐

自濡塢之既築在

淮郡以為藩

濡須塢在無為州東北接巢湖之東南有石渠鑿山通水名東關口相傳夏禹所鑿

名濡須塢其地高峻險狹實守扼之所吳諸葛恪於東關作大堤過巢湖左右依山夾築兩城使全端守之魏

人圖東關圖壞其堤不克

必資通守之賢乃全外禦之力若時妙東

說文東分別之也又選也擇也或作揀通作簡

屬我名流志在雄飛雅有故家

之風烈

趙典傳溫子柔初為京兆郡丞歎曰大丈夫當雄飛安能雌伏遂棄官去

佇看濶步

入陪近侍之論思其結約無奇

張敞傳敞與朱邑書曰敞遠守劇郡馭於繩墨

胸臆結約固亡奇也雖有亦安所施注約屈也邵博啟結約亡奇羈單不偶

嬖珊不進

司馬相如

賦嬖珊勃窣上金堤注謂行於叢薄之間詳見第六卷

迫窮愁而來客

虞卿傳卿非窮愁不

能著書自見於後世起廢病以為師春禮冬書昧於誦說

王制春秋教以

禮樂冬夏教以詩書于峴判春詩秋禮日就月將

月錢歲廩徒爾費靡

韓文月費俸錢

歲靡廩粟子不知耕女不知織

方甘寂寞之游何幸清明之睹昔居鄰

壤嘗傾耳於鳴絃

韓信傳傾耳以待命者呂氏春秋宓子賤治單父彈鳴琴終日不下堂而

單父治

今託下寮許強顏而竊吹靜言所遇

詩靜言思之

足慰

此生賴別駕而國不空行有詠歌之樂念廣文之官獨

冷尚希眄睐之榮

文選咳唾為恩眄睐為飾汝南先賢傳察其眄睐則賞其心睹其顏步則

知其道古詩眄睐小通意

賀淮東梁總領

總領宋南渡後所置官位在轉運副使之上天下凡四總領鎮江諸

軍錢糧隸淮東總領建康諸軍錢糧隸淮西總領鄂州諸軍錢糧隸湖廣總領利州諸軍錢糧隸四川總領

改畀使權總司國計淮濡九年之蓄既充實於賦淵

淮南

子國無九年之蓄謂之不足漢食貨志民三年耕則餘一年之蓄故三年考績三考黜陟餘三年食進業曰登

再登曰平餘六年食三登曰
太平二十七年遣九年食
京口百萬之師爰廣開於

饒道

郡縣志潤州吳朱方秦改丹徒建安十四年孫權自吳治丹徒號曰京城今州是也十六年遷都建

業於此為京口隋賀若弼攻拔京口吳志孫策使孫何領兵屯京地又云臧霸以輕舟襲徐陵即吳時京城徐

陵丹徒其實一也劉禹錫詩土山京口峻饒本作餉廣韻自家之野曰餉高帝紀老弱罷轉餉玉海唐漕運有

三節江淮江南陝西最重者京口

士論斯穆兵威以強

翰苑新書總領之職報發御前

軍馬文字與聞軍政不獨職餽餉而已

恭惟其官絕識際天高標跨俗揚

先著之鞭而空凡馬

杜詩一洗萬古凡馬空

持不頓之刃而解全

牛

賈誼傳屠牛坦一朝解十二牛而芒刃不頓者所排擊剝割皆衆理解也左傳兵不頓頓壞也莊子三年

之後未嘗見金牛也楊萬里啟游刃正解於千牛雖蹟
宜躊躇於肯綮意匠洗空於凡馬寧慘淡於斯須

遠九關謨謀如在於左右而身更六節部封幾徧於東

南幣帛阜通

食貨志貨寶於金利於刀
流於泉布於布束於帛

粟山高峙正足

護長榆之塞

周亞夫傳長榆塞名王恢所謂樹榆以為
塞者在朔方衛青傳榆溪舊塞以為榆

中又煩給細柳之營

周亞夫傳以亞夫為將軍軍細
柳細柳倉在雍州咸陽縣西南

所

蘊既深何施弗裕欽懷雲閣

杜詩門閣
冠雲霄

久職地官財貨

之本末源流家傳有自

荀子田野縣鄙者財之本也垣
筓倉廩者財之末也百姓時和事

業得叙者貨之源也等賦府庫者貨之流也故禹十年
水湯七年旱而天下無菜色十年之後年穀復熟而陳

積有餘是無他故焉
知本末源流之謂也
侍從之論思獻納世濟何疑其強

策驚材猥聯曹事

杜詩官曹可接聯

託鄰光而滋久聞郵命以

載欣仰止行臺阻於伏閣貌貅萬竈方當宿飽之時爾雅

貌貅一名執夷虎豹之屬詩大雅猷其貌皮陸機疏云
貌似虎或曰似熊一名執夷一名白狐曲禮前有驚獸

則載貌貅史記五帝紀軒轅教熊羆貌貅貙虎以與戰
於阪泉之野注六者猛獸可以教戰羆貌貅貙虎以與戰

趨玉帳東坡詩野宿貌貅萬竈烟三畧千里餽糧士有
饑色樵蘇後爨師不宿飽辛棄疾啟貌貅沸萬竈之烟

甲冑增一鼓之氣孫達吉啟貌貅萬竈肅先聲
於營壘之間蜂蟻千屯戡大憝於笑譚之頃
鵠鵠一

枝復有庇身之所

賀淮東林漕

堯章寓直

宋淳熙十五年建煥章閣藏高宗御製詔曰載稽帝世之隆無若堯章之煥因揭名於層

宇仍列職於青箱

漢傳趣行司左右而為都公方藉彌綸之益

唐貞觀中復置左右司掌副左右丞所簡諸司事二十四曹呼左右司為都公奚陟歷右司郎中彌綸省闔

合東西而瞻使節共推將漕之能

漕在到切說文水轉穀也王隆小學篇以

水通輸曰漕卜式傳為成皋令將漕最末制分部而使雖將漕為能其實在於總庶務之予奪察羣吏之能否

明命揚庥懽聲載路恭惟某官名懸日月

文選序與日月俱懸鬼神

爭與唐詩名與日月懸李詩白日懸高名

氣塞乾坤儒行之高富貴不能移

賢科之美父子而相繼頡頏華路赫奕名門宜上卷之

殊倫由外庸而入覲服休烏位

尚書服休服采漢天文志太微五星五帝座後

聚十五星曰哀烏郎位晉書天文志郎位十五星在帝坐東北一曰依烏郎府也周之元士漢之光祿中散諫

議郎三署郎中是其職也

贊畫鴻樞文昌董正之權有資宰士

公

傳隱公元年宰咺曷為以官氏宰士也程方進傳以宰士督察天子奉使命大夫周榮傳得備宰士注謂丞相掾史為宰士者言其宰相之屬官而為卿士也宋為檢正左右司

皇華臨遣之命輟自

朝行海濱揚繡斧之威塞上倚金湯之固臺綱肇建民

瘼頓瘳

詩瘼此下民不殄心憂

六轡遙驅雖暫違於省閤十行迅

召宜即正於冢司其欽仰鄉評幸聯邊部聽褒綸而滋
喜陪賀屨以莫遑淮為財賦之淵期於兼足國有仁隣
之寶得以相親

賀江東劉提舉

顯奉制恩榮司庾政

庾勇主切說文水槽倉也詩我庾維億注露積曰庾又在邑曰倉在

野曰庾庾政言提舉常平

仰珠躔於南斗之外蔚有光輝

蘇味道詩遠從南斗

外遥

仰列星文王勃上明員外啟珠躔降德銑社抽英

持玉節於東海之濱聳聞

威令

梁元帝詩玉節居分陝

朝僉允穆邦計自豐恭惟某官識際

混茫

杜詩神功接混茫

才優盤錯將軒軒而致遠益表表以出

奇書律兼該自策於大科功名相迫難淹於雋武

蔡開啟惟

其望實之素孚是以功名之相迫

二天布化不辭蜀道之難萬里還朝

賈出漢廷之右懷清香而寓直持丹筆以稱平屬方擇

使於中朝爰俾裕民於近部權其斂散志在澄清流地

上之錢以助軍興源流有自

趙廣漢傳不詰屯所乏軍興

懸天下之

衡以為民法風烈固存佇拜特招進儀要賈某竊軺封

而自愧

平帝紀為駕一封軺傳注以一馬駕軺車而乘傳

聽郵命以載欣山坻

之積在前奚煩多算

文選推髻而守教庾海陵之倉則山坻之積在前矣

原隰之

華不遠尚照旁隣

賀袁同知

樞密使唐官宋制有樞密副使使相知院同知簽書同簽等稱元豐間廢副使

存同知紹興中以本兵地重仍舊並除

端宸渙號密府升班妙東儒紳八座仰文昌之峻參籌

帝幄五兵占太白之間

宋樞密副使制輔參籌於帷幄漢書百官公卿表羽林孤兒教

以五兵注謂弓矢戈矛戈戟太白西方金星精白帝之子
上公大將軍之象也晨見東方為啟明昏見西方為長庚
出以辰戌入以丑未當出不出未當入而入天下偃兵
息夫躬傳太白高而芒光者法為有兵亂趙充國

傳太白出高用兵深入敢戰者吉郎顗傳太白小入數
日復出其占當有大兵鄧陽書衛先生為秦畫長平之
策太白食昂東觀漢紀光武破王尋與朱然書交鋒之
日神星晝見太白清明晉書天文志太白進退以候兵
高埤遲速靜躁見伏用兵皆象之載記符生時奏太白
犯東井必有暴兵起於京師宋書星人葛珂之曰自古
起兵皆候太白太

國以尊安人其慶愜恭惟某官學該

丘索

孔安國尚書序八卦之說謂之八索求其義也九
州之志謂之九丘丘聚也言九州所有土地所生

風氣所宜皆
聚於此書也

氣塞堪輿善刀而藏贈千牛而不頓

莊子善刀

而藏之
先鞭能著洗凡馬以皆空

熊克啟障百川迴狂瀾
蚤傳正學洗萬古空凡

馬獨負
奇才

特達主知雍容朝著入則羽儀於法從出則掌

握於帥權漢京前後之可稱誰如明府

車千秋傳居位自稱賢於前後

數

公蜀山輕重之所係獨在鉅公

杜詩公來雪山重公去雪山輕

步趨上

切於星辰獻納采多於日月

楊萬里啟非仁義不陳於前日月風深於獻納有謀

猷則順於外風霆不顯其流形

亟頌溫綽進翊洪樞

司馬溫公集宜總洪樞

注安

危之意者方深

陸賈傳天下安注意相天下危注意將

全文武之才者蓋

寡

尹翁歸傳田延年為河東太守臨見故吏令有文者東有武者西次到翁歸獨伏不肯起對曰翁歸文武

兼備唯所設施周紫芝啟注安危者兩意天子是毗備文武之兼資萬邦為憲楊誠齋啟運籌決勝久注意於

安危當軸處中仍兼資於文武

惟用孔子則真無敵故舉伊尹以遠不

仁制勝於兩楹之間式資廟筭

杜鄴傳所積雖在楹階
俎豆之間其於為國折

衝壓難豈不遠哉文選折衝樽俎間制勝在兩楹孫子
兵未戰而廟筭勝者得算多也趙充國傳誠非素定廟
算之策楊賜傳此謂不戰而屈人之兵廟勝之術也袁
紹傳廟勝之策文選彼雖衆其焉用故多制於廟筭又
實弘廟筭杜詩
廟筭高難測
奮庸於百揆之上佇慰巖瞻某素乏吏

聲謬共侯度

詩質爾人民
謹爾侯度

聞速郵而距躍望翹館以心

馳仰測神機務清邊瑣障庭沈燧幸無奔命之虞

說文
燧塞

上亭守
烽火者厦屋連雲竊有庇身之喜

雲溪友議章孝標下
第為歸燕詩獻主司

庚承宣承宣重典禮曹孝標擢第詩曰舊壘危巢泥已
落今年故向社前歸連雲大厦無棲處更傍誰家門戶

飛李樓啟車輪四角何敢累推轂
之人厦屋連雲亦莫認捲簾之處
寸棕所激尺喙難宣

賀王侍郎

渙號中宸升班左戶

六典唐戶部侍郎有二員判使案者列一署謂之左戶元和後選尤

重宰相多由此進

司會掌版圖之貳深識貨源

周禮司會掌國之官府郊野縣

都之百物財用凡在書契版圖之貳以逆羣吏之治而聽其會計

法從在屬車之間允

推德望禁涂增重

涂塗通禮經涂九軌說文注徐曰周禮塗路字作涂古無塗字遂彌俗也

士論僉諧恭惟某官國棟高標廟絃古調

禮記清廟之瑟朱絃而疏

越一唱而三歎有遺音者矣尚書大傳古者帝王升歌清廟之樂練絃達越大瑟朱絃達越

勁正之

氣可以屈強禦

詩不畏強禦注強禦強梁而禦善者也

渾厚之風可以敦

薄夫且門閥獨著於淮鄉

元微之詩甲第門閥大

而福祚實基於

魏國

杜周傳贊迹其福祚元功儒林之後莫能及也宋王旦贈中書令封魏國公

山名狐避

活何止於千人

狐避山在無為州舊名狐鼻山宋紹興初郡人王之道保聚其上羣寇不能破

嘗夢帝命之曰以爾有功當錄其後子十人仕者九蘭至戶部侍郎元后傳王翁孺曰吾聞活千人有封吾所

活者萬餘人後世其興乎鄧皇后紀后叔父陔言嘗聞活千人者子孫有封兄訓為謁者使修石田河歲活數

千人天道可水逐慶流祀宜傳於百世

晉書王珣傳初導渡淮使郭璞

筮之卦成璞曰吉無不利淮水絕王氏滅其後子孫繁衍竟如璞言贊曰貽刀表祥筮水流慶玉堂遺範王安

石制家傳淮水之靈神授圮橋之畧李詩淮水不絕濤
瀾高盛德未泯生英髦南史王裕之傳論及於陳王之
年淮流實竭曩時人物掃地盡矣斯乃興亡之兆已有
前定漢書殷傳慶流苗裔文選發祥流慶左傳楚師滅
陳使穿封戌為陳公晉侯問於史趙曰陳其遂亡乎對
曰未也臣聞盛德必百世祀虞之世數未也繼守將在
齊其兆既見矣又左傳
管氏之世祀也宜哉
伯墳仲麓之並奏

一統志王之道無為州人

剛直尚氣節宋宣和間進士與兄之義之深同登科名所居堂曰三桂堂公槐卿棘之交輝

矧朝廷方重夫老成宜天子不次而召用疇蕃宣之最

而登烏位借經綸之妙而董雉工

左傳五雉為五工正利器用正度量夷民

者也春秋正義賈逵云西方曰鷩雉攻木之工也東方曰鷩雉搏埴之工也南方曰鷮雉攻金之工也北方曰鷮雉

鵠雉攻皮之工也伊洛而南曰翬雉設五色之工也總京都平準之權采多顯績

知地域廣輪之數允屬通材密簡上心超升亞旅運紅

牙籌之妙算

王戎傳戎好利廣收八方田園水利周偏天下積貨聚錢不知紀極每自執牙籌盡

夜計算常若不及

居紫荷橐之華聯想入則告后而有謀猷能

斂不及民而足用度中興冠冕之最盛孰若名家登庸

衣鉢之相傳佇尋故事

宋王闕之澠水燕談錄和魯公凝梁貞明三年薛廷珪主試十

三人及第後唐長興四年知貢舉獨愛范魯公質程文謂范曰君文合在第一軼屈居第十三人用傳老夫衣

鉢時以為榮其後相繼為相有贈詩者某枵中不學左

曰從此廟堂添故事登庸衣鉢亦相傳

欽定四庫全書

玄枵虛中也枵耗名也杜預云玄枵二宿虛在其中

彪外無文

揚子君子言則成文動則成德以其

弼中而謬為佔畢之師辱在鳴珂之里

張嘉祐傳嘉祐蒲州猗氏人兄

嘉貞為相嘉祐任左金吾衛將軍昆弟每上朝軒蓋趨導盈閭巷時號所居曰鳴珂里

既使坦腹

小兒與西廂之推擇

晉書王羲之傳郗鑒使門生求女壻於王導導令就東廂徧觀子弟

門生歸謂鑒曰王氏諸少並佳然聞信至咸自矜持唯一人在東床坦腹食獨若不聞鑒曰此正佳壻耶訪之

乃羲之也遂以女妻之按西廂當作東廂宜礙下文東閣之對聊遷就乎李詩坦腹東床下由來志氣疎又

蒙握髮上公開東閣以延迎疊此二恩曠哉一遇聆除

音而載喜踵賀武以莫遑望清蹕實在於雲霄豈容攀

附柳文瞻仰霄漢邈焉無由
又霄漢益高泥塗永棄
憫寒棕未免於泥淖尚借

吹噓

郭泰傳孔公緒清談高論噓枯吹生杜詩吹噓人所羨又唯待吹噓送上天韓詩青冥送吹噓王孝

籍上牛弘書咳唾足以濟活
枯鱗吹噓可以飛騰窮羽
心乎傾依言之縱史

賀許同知被召

素韞告除

韞音畢說文韞也所以蔽前古者席地而坐
以臨俎豆故設蔽膝以備濡漬鄭曰韞之言

蔽也玉藻云君朱大夫素詩采菽注
韞韞俱是蔽膝之象制同名異

紫宸促覲三年去

國我公有衮衣以歸兮一賢在朝陞下可高枕而卧矣

點布傳陞下高枕而卧杜周傳竊見朱博忠信勇猛材
畧不世出誠國雄俊之寶臣也宜徵博置左右以填天

下此人在朝陛下
可高枕而卧矣

明良再會雅耄交欣

說文八
十曰耄

恭惟某

官富矣千能醇乎九德

楊賜傳華嶽所
挺九德醇備

老成學士過臯

董公孫弘之流中興輔臣在方召仲山甫之列

詩方叔
元老克

壯其猶又顯允方叔又王命召虎式辟四方王命召虎
來旬來宣又仲山甫之德柔嘉維則王命仲山甫式是

百辟詩序烝民尹吉甫美宣
王也任賢使能周室中興焉眷知渥洽譽處鏗錡

詩我
心寫

兮是以有譽處今鏗音硜廣韻金石聲
錡音轟鏗錡鏘鼓聲文選鐘鼓鏗錡

二百張諫紙之

前陳悉闕大計

白樂天詩月慙諫紙二百
張元稹詩諫紙賜箋藤

八十乘屬車

之後從不舉曠儀

副車曰屬言相連也司馬相如諫獵
書犯屬車之清塵張衡東都賦屬車

九九蔡邕曰古者諸侯二車九乘秦滅九國兼其車服故大駕屬車八十一乘冠六卿於中臺

本萬兵於右府

樞密院稱右府亦曰西府

天保以上采薇以下綱紀

畢張

干寶晉論文武自天保以上治內采薇以下治外始於憂勤終於逸樂

黃支之南大

漢之西梯航入貢

黃支南蠻去合浦日南三萬里大夏西戎去中華一萬二千里法言黃支

之南大夏之西東觀北女來貢其珍漢德可謂允懷矣平帝紀黃支獻犀牛陳湯傳大夏之西以為強漢不能臣也文選航海梯山踰沙軼漢之貢史不絕書肅師干而載輯靖邊瑣以不驚

成此雋功歸於妙算顧民巖之方具胡親養之弗留

韓詩

外傳樹欲靜而風不止子欲養而親不待

甫遠朝祥

祥祭名禮記蕃而小祥又蕃而大祥又祥之日

鼓素琴告民有終也檀弓魯人有朝祥而暮歌者子路笑之

復聞暮召

主父偃傳上書闕下朝奏

暮召入見蓋丹宸注思之切且蒼生徯望之深虛槐席之左

以待舊人

史記公子無忌虛左自迎夷門侯生文選屢獲信陵虛左之德杜詩左轄頻虛位王維詩

公卿盡虛左

立筍班之頭而儀列辟

因話錄李宗閔為中書舍人知貢舉門生唐冲

薛稷袁郁輩多清秀俊茂時號玉筍班北夢瑣言蔣凝侍郎有俊儀每到朝士家人以為祥瑞號水月觀音前代潘安仁衛叔寶何以加此唐末朝士中有人物者號玉筍班潛數啟玉筍班清霜凝白簡金華晝靜風入細

檀

贊書已刻尺牘謾馳其僕邀小材埏鎔舊物冒爾握

皇華之節久馬違光範之門

韓文謹伏光範門再拜獻書

茲聆嘉音

頓起懦志既見登鉅儒於黃閣

枝機賦鴻生鉅儒續百官志太尉公有黃閣主

簿錄省衆事說文閣門旁戶門下省以黃塗門謂之黃閣宋志三公黃閣前史無其義禮記士鞿與天子同公侯大夫則異鄭玄注云士賤與君同不嫌也夫朱門洞開當陽之正色也三公之與天子禮秩相亞故黃其閣以示謙漢舊制也通典陳三公之制開黃閣廳事置鵠尾北齊三公府三門中開黃閣設內屏黃閣主簿主閣下威儀又將轉荒域於洪鈞

杜詩八荒開壽域一氣轉洪鈞

一節以趨阻

奉拜塵之禮

玉藻凡君召以三節二節以走一節以趨在官不俟屨在外不俟車晉書潘岳傳岳

與石崇謠事賈謚每俟其出必望塵而拜

萬間所庇徒傾賀厦之心

遠迎王運使

星傳有華來從蜀道雲章寓直改界淮濡疊四組以建

臺總六條而察郡幸依宇下

左傳況衛在君之宇下而敢有異志又大國在散邑

之宇下是以告急注屋宇之下喻近也世說庾太尉喜少為王武子所知庾嘗曰居其宇下令人忘寒暑

出顏間

說文面顏前也顏眉目之間也劉夢得集澹澹於顏間李林甫傳喜津津出眉宇間陸贄傳贄

謁見上喜形於顏間

恭惟某官在躬清明

孔子家語清明在躬志氣如神

有志宏

大錦繡川之積慶宅相有成

晉書魏舒傳舒字陽元少孤為外家寧氏所養寧氏

起宅相宅者云當出貴甥外祖母以盛氏甥小而慧意謂應之舒曰當為外家成此宅相杜詩相宅榮姻戚李詩能成吾宅相不減魏元陽林克齋通史都大啟積慶實綿於錦繡雅懷不在於綺紈許敬宗上從舅侍郎啟

才非酷似攀宅相而多慙
慕切如存臨渭陽而增感
瓊瑤樹之華芳風流是似

王戎

傳王衍神姿高徹如瑤
林瓊樹自然風塵表物起
從碧幕坐致朱軒政自聲華

之益高不必步武之在近乃捫歷參井而上

李白蜀道難捫參歷

井仰脅息以手撫膺生長歎宋范公偁過庾錄李毅師

贊博學有大才嘗代蜀守謝上表一聯云捫參歷井都

忘蜀道之難望日瞻雲但載驅馳原隰之間挈彼遠民

覺長安之遠一時稱賞

履於平地

尚書故實李白嘗為蜀道難曰蜀道難難於上青天陸暢復為蜀道易曰蜀道易易於履

平地蓋白以刺嚴武而暢以媚韋皋
也暢以獻皋皋大喜賜羅八百疋
五千里木牛不絕

屢供左次之師

易師左次无咎

七十城天馬無留爭效右牽之

貢

史記大宛傳大宛多善馬馬汗血其先天馬子也其屬邑大小七十餘城曲禮效馬效羊者右牽之外

庸茂矣上思見之又煩加惠於邊氓未許懷歸於故土

嚴助傳制詔會稽太守君厭承明之
虛勞侍從之事懷故土出為郡吏 蓋今日觀風之使

乃前時制閩之賓聽先甲而易孚

易先甲三日

覺羣山之愈

秀煥乎堯閣未足酬澄按之勞

三秦記未央宮有堯閣此堯閣指煥章閣 籍

甚漢庭正有待論思之益某婆娑一障荏苒三秋

荏苒音稔

染韻會猶侵尋也文選荏苒代謝又百年信荏苒又履運傷荏苒又荏苒冬春謝杜詩風塵荏苒音書絕韓詩

徂歲嗟荏苒

何期曠弛之餘乃託光華之末僕雖去日之可

數公幸來期之匪遙降此寸心

詩我心則降

光於十日備弩

矢前驅之列爭作殷勤

楊惲傳殷勤甚厚司馬相如傳通殷勤趙廣漢傳殷勤甚備

藉繡衣直指之威少安孤拙其為拊躍未究傾抒

又遠迎王運使

進直寶儲

東坡表中禁寶儲上應奎壁之象先朝謨訓遠同河洛之符

易臨邊部瞻

使節於崆峒之上君遣之來

爾雅北載斗極為空桐司馬彪莊子注空同當北斗

下山也史記注在隴右杜詩崆峒使節上青霄

振文鐸於洙泗之間主盟斯在

禮記疏文事奮木鐸武事奮金鐸

道將行也天寶相之恭惟某官居人

上流為國重器

韓安國傳唯天子以為國器注言其器用重大可施於國政也

我我乎

王侯家之自出廩廩然君子風之獨存將大收於黜庸

姑小試於方略知仁澤之所被爭欲攀轅

侯霸傳霸守臨淮被召百

姓攀轅卧轍願留暮年

念妖氛之未清慨然攬轡

李詩談笑却妖氣杜詩妖氛逐

冥名在瀛洲之仙籍身登蜀道之天梯

李白蜀道難地崩山摧壯士死

然後天梯石棧相鈎連

中外同觀夷險一節

歐陽公畫錦堂記公勤勞王家夷險一節

運五原之粟以足餽饗

諸葛武侯以木牛流馬運據武功五丈原與司馬懿對於渭韻

會野饋曰饒左傳苟晉如齊宣伯饒之

出六詔之馬以嚴羈縻

南詔傳南詔或曰鶴

柘曰龍尾本哀牢後烏蠻別種其先渠帥有六自號六詔蒙舍詔在諸詔南故稱南詔居姚州之間鐵橋之南司馬相如傳其義羈縻靡弗絕而已注羈馬絡頭縻牛紉也

在遐徼蒙惠已多而近塞

為防尚略十行改命萬里勞還望白雲之山久借輶封

之重

野客叢書狄仁傑登太行山反顧白雲孤飛謂左右曰吾親舍其下瞻悵久之雲移乃去此正與北

史元樹之意同元樹奔南每見嵩山白雲未嘗不引領歎李詩楚山秦山皆白雲白雲處處皆隨君

耿

清淮之月又觀臺治之新

劉夢得詩四時烟月映清淮李商隱啟未離紫陌之塵已

夢清淮之月

且訟獄錢穀綱紀於四司亦禮樂詩書根本乎

庶政獻囚獻馘在彼泮宮

馘音號王制天子出征執有罪反舍奠於學以訊馘告樂

記武王伐殷為俘馘於京太室魯頌矯矯虎臣在泮獻馘淑問如皋陶在泮獻囚治民治兵講

於湖學

宋仁宗慶厯中胡瑗教學於蘇湖是時方尚詞賦獨湖學以經義時務有經義齋治事齋凡

名教恢張於今日實使者提領於斯文繡斧觀風布韋

增氣矧東城有松竹林之遺化而西府乃芙蓉幕之舊

游二天不遠於照臨兩地復歸於澄按更治已熟蕭望之傳

所用皆更治民以考功注更猶經歷也詳見第七卷結知甚深堯文章其煥乎因

是行而加寵

直煥章圜

漢公卿亦多矣咸有望於來歸步武

赤墀羽儀紫橐其他無能解切自愧羞晚出王公之門

歲縻博士之廩青衫連蹇可嗟五十無聞焉

韻會連力展切難也

易往蹇來連揚雄傳孟軻雖連蹇猶為萬乘師

黃卷扶疎安得三千從游者

揚雄

傳枝葉扶疎孔子家語述方弟子之進蓋三千焉

屬吾道艱難之日遇當世偉

特之人知心可期頓足自喜

文選頓足起舞

行將帶櫪具劔而

進謁

櫪音壘晉灼云長劔首以玉作并鹿盧形上刻木作山形如蓮花初生未數時

其敢廢尺

素書之奉迎駢駢來音

詩四牡駢駢載是常服

栩栩在夢

栩音煦韻會欣

暢貌莊子昔者莊周夢為蝴蝶栩栩然蝴蝶也

萬間隆庇何憂夜雨之相凌一

寸寒茅尤望春風之先到情有所激言莫能輸

通交代程守

疏榮魏闕

禮正月之吉始和乃懸治象之法於魏闕呂氏春秋身在江湖之上心乎魏闕之下注魏

闕象魏之闕

借重淮城聞何暮之謠來幸逢於叔度聽欲曙

之鼓去誰挽於鄧侯

晉書良吏傳時吳郡太守缺人多欲之帝以授鄧攸攸載米之郡但

飲其水去郡不受一錢百姓數百人留牽攸船不得進

乃小停夜中發去吳中歌之曰統如打五鼓鷄鳴天將

曙鄧侯挽不來謝令推不去洪适啟統如五鼓遂喧吳郡之謠願借一年久斂桂林之惠喜拜更書

敬持先贄恭惟某官雋聲顯白偉度含洪鳳五色乃自

然信非凡種

山海經丹穴之山有鳥狀如鶴五色而文名曰鳳蜀志秦宓曰鳳生而五色豈以五

采自飾畫哉天性自然也馬千里豈常有遂可空羣韓文馬千里常有而伯樂不常

有又伯樂一過冀北問學雖本諸家傳富貴能以身自

致舉頭日近冠準登華山詩振步風生趙廣漢傳專厲舉頭紅日近

風生小試才鋒屬偃室絃歌之化參持貨柄見傳嚴醴酒

之功帝方嚴邊守之選除公獨由大臣之論薦利器固

優於盤錯狹地豈足以回旋漢書注景帝後二年諸王來朝有詔更前稱壽長沙

定王但張袖小舉手左右笑其拙上怪問之對曰臣國小地狹不足回旋帝乃以武陵零陵桂陽益馬李詩長

沙不足舞又定王垂舞袖地窄不迴身羅袞謝裴相公啟長沙地窄難呈宛轉之姿南郡鬼逢每受擲掄之恥

聊為窮民來革弊政

韓詩本為聖朝除弊政

望春腳之所到

開元遺事

人謂宋環如有腳陽春言所至之處如春及物也

覺物情之自舒朱使君印章

猶存不妨笑領

朱買臣傳前引其綬視其印會稽太守章也西京雜記朱買臣為會稽太守懷

章綬還至舍亭而國人未知也

鄭尚書履聲可繼行即召歸某不能強

取於時名所願蚤收於朝蹟

韓詩足弱不能步自宜收朝蹟

一麾自託

三載罔功老將歸於田園

陶淵明歸去來辭田園將蕪胡不歸

上乃記其

姓字

歐陽公蔡齊行狀居數月不得召久而天子記其姓名輒使召試

恩叨收召固當

不俟駕而行契篤交承猶且得合符而去告新何有匿

垢是祈

謝時漕丁帥薦舉

李自注
代太守

吏術迂踈徒積佩魚之愧

杜牧詩使君四十四兩佩左
銅魚丹鉛總錄佩魚始於唐

永徽二年以鯉為李也武后天授元年改佩龜以玄
武為龜也杜詩金魚換酒來蓋開元中復佩魚也使

條潤畧更叨薦鶚之榮延譽過情怔營失次

怔音征王
莽傳人民

怔營注皇
恐不安貌

伏念某素非達學見謂樸儒飾固陋以干時

平生所短

鄒陽傳飾固陋之心則何
王之門不可曳長裾乎

挾孤單以游世投

老奚為

莊子人能虛
己以游世

亟收蹟於朝行合竄身於農畝為

貧漫仕自詭外庸憶昔采芹客無穗之可盜重來剖竹
州如斗以何辭粗殫五技之勞初乏三年之最聖天子
既加以收召賢刺史又為之褒揚曾是虛庸有茲僥冒

此蓋伏遇某官量陂宏遠

漢書郭泰入汝南交黃叔度至南州先過袁奉高不宿而

去從叔度累日或以問泰泰曰袁奉高之器辟諸汎濫雖清而易挹也叔度之器汪汪若萬頃之陂澄之而不清混之而不濁不可量也世說荀伯子目王令明如萬頃陂唐制詞吞楚澤量湛黃陂賂賓王上座長史啟心波湛漢詠魄曜於黃陂情岳干天飄風雲於稽嶽

鑒地清明事君以人自得上

臣之體

荀子下臣事君以貨中臣事君以身上臣事君以人

入境問俗務求邊吏

之能謂其頗究心於撫摩察其初無事於矯拂然與時

既背豈能比雨露之當春而利物不洪又安得如草木

之蒙潤

揚子澤及百里而潤草木者唯江河也董仲舒傳德潤草木澤被四海

言則有味

受之胡顏益當激厲於初心毋使沈冥於晚節

法言蜀莊沉冥

文選沉冥之怨既缺韓詩沉冥不計日

庶圖末效仰答隆知

謝丁帥薦舉

分半席以佐州茂聞善狀

職源別駕長史司馬通謂之上佐唐大歷十二年制刺史

有故及缺本道使不得差攝但令上位知州事

合二臺而薦士猥及寒蹤弗堪

榮袞之褒徒積濫等之愧自昔居治中之任亦類蒙在

上之知周景望尊特題輿而招仲舉晉安禮重別施榻

以待休源

梁書孔休源字慶緒為晉安王長史休源累佐名藩王深倚仗常於齋中別施一榻云此

是孔長史坐人莫得預焉其見敬如此稱士元非百里之才識王祥有三

公之量

王祥傳初呂虔有佩刀工相之以為必登三公可服此刀虔謂別駕王祥曰苟非其人刀或為

害卿有公輔之器故以相與

儻使荊州從事之不遇

世說習鑿齒有吏才宣武甚器

之未三十便用為荊州治中鑿齒謝云不遇明公荊州老從事耳

寧免潁川督郵之見

傷

黃霸傳長史許丞老而病聾督郵白欲逐之霸曰許丞廉吏雖老尚能拜起送迎正頗重聽何傷

在

前史皆為美談

後漢書謝弼傳前世以為美談晉書王機傳蘇武不失其節前史以為美談又

見王舒傳

乃今日復見盛舉苟非瓌異曷稱品題如某者瓜

瓌疎宗

詩綿綿瓜瓌注瓌蔓也音與迭同

棗膏鈍質

范曄和香方序棗膏昏蒙甲煎淺俗

非惟無助於馨烈乃當彌增於痼疾也蓋强持文墨取

名於少年之場

李詩結客少年場白詩白頭翁入少年場

敢棄詩書置身於

有過之地嬰珊不進潦倒奚為

北史崔瞻傳瞻潔白善容止神采凝然自天寶

以後重吏事謂容止醞籍者為潦倒而瞻終不改焉杜詩形容真潦倒又多材依舊真潦倒劉禹錫詩潦倒聲

名雕腫材

僅免笑俗馬之肉多

杜詩始知神龍別有種不比俗馬空多肉竊自憐

病鶴之翎短

唐段成式酉陽雜俎裴沆再從伯往鄭州荆叢下見一病鶴垂翼俛味翅關上瘡壞

無毛有老人曰郎君年少豈解哀此鶴耶白樂天詩鶴病翎羽垂元微之詩傷心自比籠中鶴剪盡翅翎愁到

身東坡詩病鶴不梳翎山谷詩身如病鶴翅翎短

鉛刀再割徒為民社之羞

賈誼

傳莫邪為鈍今鉛刀為銛楚辭捐棄太阿寶鉛刀今文

選擲朽摩鈍鉛刀皆能一斷班超傳鉛刀一割之用駱

賓王啟鉛刀起一割之用跋鼈致千里之行

符竹平分安有海邦之詠

杜詩幾分

漢庭竹況且突黔之未暇

班固敘傳墨突不黔

終然尸素以罔功

貢禹

傳素餐尸祿濟朝之臣朱雲傳無以益民皆尸位素餐

在計府密邇固足以照知

何帥閭清明亦從而過聽豈念趨承之有舊不緣介紹

而為先譽以一言重於九鼎茲蓋伏遇某官禮樂先進

文章鉅公

李贊詩東京才子文章鉅公

筆底春風鼓十城之和氣胸

中秋水鑒萬物以成形

韓安國傳清水明鏡不可以形逃

即西州推轂

之心

孫寶傳寶著名西州馬援傳拔自西州虞詡傳辟西州豪傑為掾屬趙壹傳竊伏西州挹高風舊矣

橋玄傳玄名聞西州晉書羊曇為謝安所愛重安薨輟樂彌年行不由西州路

見東閣轉鈞之

手

鄒陽傳獨化於鈞陶之上注陶家名轉者為鈞蓋取周回調均耳

遂令冗散

申屠嘉傳冗官

居其中注冗謂散輩也如今之散官枚乘傳與冗從事注冗從散職之從王者也

亦在搜揚謂

良藥可以扶衰今乃作籠中之物

唐書元澹謂狄仁傑曰下之事上譬富家

儲積以自資也。脯腊膜腴以洪滋膳。參苓芝桂以防疾。疾門下充滋味者多矣。願以小人備一藥石可乎。仁傑笑曰：「君正吾藥籠中物，何可一日無也。」謂利器可以剖劇，正有資治者之

工。董仲舒傳：陶冶而成，注治以喻鑄金。顧此僥踰，若為稱塞，其敢不清箴。

是佩絜矩，自持雖事師數十年，斷不違於素志。

儒林傳：結髮事

師數十年。或起家二千石，恐難報於深恩。

田蚡傳：薦人或起家至二千石，揚雄

傳：諸離附之者或起家至二千石。過此以還，未知所措。

賀陳樞密

嚴宸孚令，宥府升班。運天中而臨制，四方獨總樞機之。

政

漢書天文志斗為帝車運於中央臨制四海分陰陽建四時均五行宋會典樞密院掌天子之機務及天

下邊境軍馬之政令

用人傑而決勝千里允資帷幄之籌

高帝紀運籌帷

幄中決勝千里外吾不如子房又三人皆人傑

疾置流聞列紬聳服恭惟某官

文場元帥

杜預傳元凱文場稱為武庫唐張九齡為開人之冠號文場元帥又九齡覽蘇題文卷謂

同列曰蘇生俊贍無敵真文場之雄帥也熊克啟妙宗道壺雄帥文場

儒林丈人

王沈傳高貴鄉

公好學有文才引沈及裴秀數於東堂講讌屬文號沈為文籍先生秀為儒林丈人崔寔傳論為儒家文林

偉乎凝重之資養以中和之氣茹含今古窺渾渾以無

涯

韓文上窺姚如渾渾無涯

騰跨風雨摩蒼蒼而直上

莊子天之蒼蒼其正色耶

其遠而無所至極耶李白大鵬賦上摩蒼蒼下覆漫漫

宜天子恨相見之晚

主父偃傳

偃上書闕下朝奏暮召入見時徐樂嚴安亦俱上書言世務書奏上召見三人謂曰公皆安在何相見之晚也余元一啟當寧與見晚之嗟幾九事而在朝廷賴有德八律士林爭睹先之快謂一代之數人

之尊不待九遷

任彥昇表千秋一日九遷荀爽十旬遠至

即登四輔

尚書亂為四輔

史記四輔既備成王靡有過事四輔謂左輔右弼前凝後丞也

用為弘化之貳

尚書貳公弘化

仍陪密命之基蓋庶政兼修已略見二三之策今一賢

獨任自能當百萬之師魁柄有歸

斗身為魁梅福傳授以魁柄

輿情

允協魯用孔子安得削可坐制于殊隣晉有夷吾無復

憂佇進登於真宰

溫嶠傳時江左草創網維未舉嶠殊以為憂及見王導共談歡然曰江左

自有管夷吾復何憂王導傳桓彝初過江見朝廷微弱謂周顗曰我以中州多故來此欲求全活而寡弱如此將何以濟憂懼不樂往見王導極論世事還謂顗曰向見管夷吾無復憂矣楊萬里賀趙制置啟江左見導無憂固將大用北門非準不可未免小留

某猥叨召節行解守符荷鈞造之

曲成聞詔除而滋喜數仞之牆在望尚阻鳧趨萬間之厦方新徒僅燕賀

賀許參政

延登舊弼

五行志延登受策注延入而登殿也漢舊儀丞相御史大夫初拜皇帝延登親詔也

參

秉洪鈞

詩尹氏太師秉國之鈞

昔家國同憂三載惜衮衣之去今

君臣復合四時看玉燭之調

東哲詩玉燭陽明照

庭號渙專人謀

咸鬯恭惟某官學該百氏謨契三朝在古有社稷之臣

如汲黯近之矣

汲黯傳上曰汲黯何如人也嚴助曰使黯任職居官亡以瘡人然至其輔少主

守成雖自謂賁育弗能奪也上曰然古有社稷之臣至如汲黯近之矣

與王言仁義之道

舍孟子其誰哉自諫官由御筆之親除

蔡襄詩御筆親除三諫官喧然

朝野盡相懼

常法從在屬車之後乘刺六經而作制嚴一字

以拔人藹聞曳履之聲深結凝旒之眷天下之真儒無

敵密命進陪堂上之奇兵有操退衡坐折

文選何必操干戈堂上有奇兵

折衝樽俎間制勝在兩楹

謂太平之立致

食貨志三年食進業曰登再登曰平三登曰太平北

史積儲九稔謂之太平

胡多難之相仍

詩惟予小子未堪家多難

公方歸卧於

倚廬

禮記三年之喪斬衰苴杖居倚廬食粥寢苦枕塊所以為至痛飾也儀禮斬衰倚廬齊衰坐室揚雄

傳結以倚廬注居倚廬行服三年也

上亦儲思於翼室

尚書延入翼室恤宅宗

屬乾

坤之交泰

易天地交泰

宜禮樂之復興齊魯有大臣趣赴紫

宸之觀

法言昔齊魯有大臣史失其名曰如何其大也曰叔孫通欲制君臣之儀徵先生於齊魯所不

能致者二人

舜禹無弊政務先黃髮之詢

董仲舒傳禹繼舜舜繼堯三聖相受

而守一道亡救弊之政故不言其所損
益也尚書尚猷詢茲黃髮乃罔所愆
既入告以忠規

爰寵升於宰路

宋制聯三階於宰路

經綸伊始觀聽又新國步賴

以安強

杜詩國步猶艱難

王躬待其匡救東海起來歸之老慶

聚會於一堂南山聳具瞻之民即登庸於三事

韋賢傳於赫三

事匪俊匪作

某猥叨召節行解守符荷大治之弗遺聰明綸

而滋喜公階在望佇親赫赫之光

詩赫赫師尹

國棟已成正

竊隆隆之庇

稿山四六卷四

欽定四庫全書

橘山四六卷五

宋 李廷忠 撰

明 孫雲翼 注

遠迎程守

妙膺帝簡榮鎮侯藩

孝經援神契侯藩也所以守藩也

劍騎行春

壯榆塞柳營之勢

漢百官志凡郡國皆掌治民進賢勸功折獄檢姦常以春行所

至縣勸民農桑振救之絕鄭弘傳太守第五倫行春注太守常以春行所至縣勸人農桑賑救之絕

滕撫為涿令有文武治用太守以其能委任郡職兼領六縣流愛於民行春兩白鹿隨車夾轂而行

文選 丞令行春
返冠 蓋溢川城

旂鸞在津增杏壇槐市之光

莊子孔子游乎

緇帷之林坐乎杏壇之上三輔黃圖明堂辟雍為博士舍三十區為會市但列槐樹數百行諸生朔望

會此市各持其郡所出物及經書相與買賣雍容揖遜議論槐下華山記華嶽西北各有槐市云楊

震講學授徒成市其處多槐故號焉唐判壇花啟杏設絳帳而橫經市葉抽槐據紫帷而闡教庾信

詩辟池寒水落學市舊槐疎駱賓王
啟鬱槐市而增茂穆蘭室以流芳
聃聽先庚先

庚三日
有開後覺恭惟某官瓌姿秀整金氣高明聖經

傳伊洛之間儒閥在星辰之上鶴鳴則和易鳴鶴在陰其子和

之虎生而文蜀志虎生而文炳
衛武公所以為卿於周臧

孫達宜其有後於魯

左傳桓公二年取郕大鼎於宋臧哀伯諫之周內史聞之曰臧孫達

其有後於魯乎君達不忘諫之以德

天邊步武海內聲名惟善刀自無於

全牛雖別駕未足以展驥養天下以美祿盡提酒正之

權

漢志酒者天之美祿帝王所以順養天下享祀祈福扶衰養疾百體之會非酒不行周禮酒正中士掌酒

之政令以式法授酒材辨五齊之名三酒之物焉馬融傳酒正案隊

衍地上之流錢坐致

財豐之效頗因近用式見遠猷宸衷寤寐以憂邊詔旨

丁寧於擇守

谷永傳以丁寧陛下注謂再三告示

故二三執政遂從而推

轂謂百萬興師不足以抗衡號為奇才允合上意矧是

邦居江淮之要

尤袤詩江淮天設險

在昔時起吳魏之爭

揚州漢為廣陵

郡魏為重鎮別置壽春為揚州後吳取之

國朝中興欲以無為而治之田里

相安必得惟良之共此坐堂出令填道謹呼襦袴方溫

歎公來之何暮琳琅至美諒王覲之匪朝

杜詩軒冕羅天闕琳琅識

介珪左傳王覲為可唐仲舉啟爰立之命匪朝以期

其學殖扶疎客游拓落

楊雄傳何

為官之拓落也注拓落不偶貌鄰食其傳家食落魄注魄音薄

半生多難自憐青鬢之

已霜垂老益堅徒有丹心之如石

謝朓詩既秉丹石心寧流素絳涕李白詩

白髮千莖雪丹心一寸灰

強吟佔畢之教終懷倚席之慙三年博士

僅免於冗治

韓文三年博士冗不見治治平聲

諸公門下誤蒙其交譽

韓愈柳宗元墓誌諸公要人俱欲令出我門下交口薦舉之

方虞九仞之未就

尚書為山

九仞功

忽覩二天之有臨將右屬矢以拜迎

韓文大府帥或道遇

其府府帥必戎服左握刀願左加鞭而促上

禮天子六馬左右驂

三公九卿

雖云晚遇足慰孤生

張霸傳起自孤生致位郡守周榮傳榮淮海孤

生王文公集猥以

橋邊待使君宣特諸兒童之喜

杜詩已傳

童子騎青竹總

幕下得文士定居百執事之先

韓文將為天子

擬橋東待使君

得人於朝廷將為天傾嚮采勤占陳罔既

次定四車全書

賀顏宗卿

宋制判宗正寺二人以宗姓兩制以上充闕則以朝官以上知丞事元豐改制

掌修牒譜圖籍六年詔長貳不專用國姓

簡求端士擢貳司宗

初學記宗正卿周官唐龍朔中改司宗卿左傳汝為宗司揚雄宗正

卿畿伯臣司昇金掌之月聯式衍本支之慶

詩文王孫子本支百

世仍玉堂之夜直亶增文翰之光恭惟某官川嶽儲祥

蘇頌行劉幽求制風雲玄感川嶽粹靈

虹蜺吐耀

禰衡傳垂光虹霓江淹謂郭鞏曰子咳唾成珠

玉吐氣作虹霓霓研奚切又倪結切洪

下筆屬文得仲

舒之學宜度越於羣儒

賈捐之傳君房下筆言語妙天下賈誼傳能誦詩書屬文注屬

謂綴緝之也董仲舒傳仲舒遭漢承秦滅學之後六經
離析下惟發憤潛心大業令後學者有所統一為羣儒
首揚雄傳則必度越諸子矣楊修答曹植牋含王超
陳度越數子抱朴子王充作論衡其文高度越諸子

經據古有伯夷之風信不阿於當世方藹蘭香之馨旋

分蓮燭之榮臺閣之儀久矣洽聞

劉向傳此數公者皆博物洽聞通達古今

盤詰之體渾然復見矧當屬籍之清秩

文帝紀復諸劉有屬籍者家無

所與宣帝紀上屬籍宗正元帝紀賜宗室有屬籍者馬
一疋至二駟馬后紀外親不軌法度者使絕屬籍揚雄

宗正箴禮有攸訓屬有攸籍唐百官志宗正卿掌
屬籍以別昭穆宋制宗正地嚴秩清儒者之職

以待

薦紳之上流

郊祀志縉紳者弗道注謂插笏於大革帶之間儒林傳縉紳先生楊彪傳纓縉紳

鄭玄禮記注紳帶也象著四星石氏星經宗正二星在帝座東南晉志宗人四

星在宗正東主錄親疎享祀班高九棘今得瓌偉之器

後魏世祖訪宗正於崔浩浩薦博士杜銓召足固盤維

之盟漢書文帝紀昔高祖王子弟大牙相制所謂磐石之宗也漢紀盤維盡戮宗社為墟文選族茂麟趾

宗固磐石翰林為主子墨為卿何妨並命揚雄傳耶因筆墨成文章故籍翰林

為主人子墨巨川作舟大旱作雨行慰具瞻尚書若濟

為客卿以風作舟楫若歲大旱用汝作霖雨某甫迫代更猥叨收召賢在上而引類

已見茹連熊克啟松茂而栢悅是以有喜不寐之懷茅拔而茹連夫豈無賢引類之望德有

隣而不孤或容葭倚其為悅慕未易言宣

賀顏宗卿

寵錫贊書榮司屬籍宗星拱乎帝座實階法從之榮

晉志

宗正二星在帝座東南宗大夫也宗星二在侯星東宗室之象帝輔血脈之臣也

卿月照於禁

林增煥詞章之美便蕃異數歆豔列紳恭惟某官氣塞

堪輿學該丘索斯道先天民而覺者其才兼古人而有

之源泗水之傳在德行科而為冠勵常山之操信忠義

傳之可書

唐顏杲卿為常山太守安祿山反城陷被執罵賊而死唐書列之忠義傳

綽有外

庸獨當上意尋曲臺之故步

漢書翼奉傳未央宮有曲臺殿鄒陽傳秦倚曲臺之

宮垂衡天下枚乘傳說吳王游曲臺臨上路不如朝夕之池王尊傳行幸曲臺臨饗罷衛士儒林傳孟喜舉孝廉為郎曲臺署長又后蒼說禮數萬言號曰后氏曲臺記藝文志曲臺后蒼九篇注行射禮於曲臺后蒼為記故名曲臺記漢官儀大射於曲臺長門賦覽曲臺之央唐禮樂志唐初用隋禮元和間王彥威始為曲臺新禮三十卷文選曲臺之禮九師之易沈隱侯集復禮曲臺反樂宣榭宋制曲臺贊禮之儀又訓禮曲臺晏公會要詳曲臺之儀法攷庶僚之功行權德輿詩憶昔曲臺嘗議禮余日華賀太常邵少卿啟秉介珪而親帝工方受宣室之釐司綿絕以參內相之勝游禮儀三千資講為卿公亟貳曲臺之長

議洽聞之益

漢書儒林傳其令禮官勸學講議洽聞舉遺興禮以為天下先

詔書數下

得文章爾雅之遺

儒林傳臣謹案詔書律令下者明天人分際適古今之誼文章爾雅訓詞深

厚恩施

周情孔思既廣於發揮文昭武穆式煩於兼領

甚美

左傳曹叔振鐸文之昭也先君唐叔武之穆也玉海文昭武穆方駕於魯衛應韓磐石大牙連衡於吳楚齊代

在磐維喜得於端士然誥令難屬之他人棘署槐廳恩

莫榮於兩命

夢溪筆談學士第三廳閣子當前有一巨槐素號槐廳舊傳居此閣者多至入相學

士爭槐庭至有抵傲前人行李而強據之者

衮衣玄冕禮將重於顓朝

李尋傳天

官上相上將皆顯面正朝

其職冷於冰志堅如石幸此生之天相

左傳

唯天

相逢君子之日升

詩如日之升

聳聽置郵阻陪簪履登王

陽則貢公喜敢言聲氣之同

蕭育傳育與陳咸朱博為友著聞當世往者有王陽

貢禹故長安語曰蕭朱結綬王貢彈冠言其相薦達也

廣絕交論王陽登則貢公喜罕生逝而國子悲杜詩竊

效貢公喜難甘原憲貧

易同聲相應同氣相求得夫子而伯夷彰尚借品題之

重

伯夷傳伯夷叔齊雖賢得夫子而名益彰

賀王侍郎

九陛疏恩貳卿正位解天府之職不欲以出納勞重臣

六帖位列月卿職司天府白居易行裴武太府卿制聚九州之賦辨百貨之名按其程度謹其出納孰為主者

外府專地征之權亦必有仁義利吾國

周禮大司徒之職以土均之法

辨五物九等制天下之地征常袞
制掌司徒之邦教制民曹之地征
朝僉允愜邦本益強

恭惟某官性履純潔氣岸高雅
武儒衡傳儒衡氣岸高雅論事有風采李詩氣

岸遙凌
寒士前叔向古遺直也
左傳仲尼曰叔向古之遺直也治國制刑不隱於親三數子魚

之罪不為末減曰
義也夫可謂直矣
孟軻今誰舍哉積善生公侯業有光

於工冶
杜詩吾知徐卿百不憂積善衮衮生公侯古詩良工之子必善為箕良治之子必善為裘講

學連伯仲調允合於堦
麓式茂外庸寢隆上簡整羽儀

於翟署
宇文或詩翟表郎官瑞揭規矩於雉工進升惟月之班仍

領甘泉之計
武帝紀受計於甘泉注受郡國所上計簿凡夏周戶口之多寡

蓋已熟知

唐太宗問盧承慶歷代戶口多少之數承慶敘夏已後迄周隋皆有依據

若王劉

朝夕以論思固宜獨任

班固兩都賦序言語侍從之臣若司馬相如虞丘壽王東方朔

枚舉王褒劉向之屬朝夕論思日月獻納

少須真拜亟服邇聯某侯泮間官

相門下客聽除綸而滋喜引賀履以莫遑依喬木於故

鄉苦無多日暖枯荄於窮谷尚借餘春

草根曰荄禮樂志春陽開動根

荄已遂劉向別錄鄒衍在燕有谷寒不生五穀鄒子吹律而溫生黍溫飛卿詩韶光如見借寒谷變風煙劉禹錫啟六律變幽谷之寒一九消彌年之疹駱賓王啟錫以吹噓暖燕郊之陰谷延之顧眄煇漢園之寒灰羅隱啟淮南鍊蹟於真仙含靈盡去鄒衍移暄於寒谷衆卉皆芳

遠迎韓運使

疏渥朝端觀風淮右總萬師而給餉舊依節制之尊

高帝

紀填國家撫百姓給餽餉不絕糧道吾不如蕭何杜詩情依節制尊

合二路以建臺復覩

光華之選

宋分淮南為東西二路東路揚毫等十一州治在真州西路壽廬等九州治在廬州

偶

茲攝事宜有賀書恭惟其官自天間生為民司命聲宏

而實自茂外和而中甚剛文章伯之故家學者仰如北

斗

杜詩海內文章伯又每語見許文章伯韓愈傳學者仰之如泰山北斗

社稷臣之遺烈

天下措於泰山

歐陽修畫錦堂記垂紳正笏不動聲色而措天下於泰山之安可謂社稷之臣

矣異氣所鍾清規克紹自登聞五袴之詠久回旋六轡

之行仗節而獲戎弢

左傳戎弢注弓衣也莊子從說之則以金版六弢

運籌而

定兵食積星華月交輝鸛鷺之行

韋嗣立制青瑣崇班職參鸛鷺古詩厠蹟

鸛鷺行杜詩空慚鸛鷺行

細柳長榆益壯貔貅之勢外庸疊奏中召

促放夫何懷故土於會稽之鄉未肯近白日於長安之

道康於進取久矣眷知陞蓬萊論譔之班領濡須漕將

之寄撫邊封而如舊觀先甲之載新塞障不驚

漢舊儀邊郡太

守將萬騎行障塞

江峯增峻為漢使十二人之最既富有於吏

能

漢元帝紀初元元年臨遣光祿大夫褒等十二人循行天下

衍齊邦七百歲之封

宜繼登於公位某素非達學謬得專州三載罔功屢作

歸畊之夢九天有命忽叨入覲之恩弗許循牆

左傳一命而僂

再命而偃三命

第深維谷

詩進退維谷王勃啟進退維谷憂喜聚門劉賓客集進退

維谷冰炭在懷

偶澄清堂之虛席俾矍矍翁而代庖

馬援傳武威將軍劉

尚擊五溪蠻軍沒伏波將軍馬援請行帝慰其老未許

援曰臣尚能披甲上馬據鞍顧盼以示可用帝笑曰矍

矍哉是翁也劉賓客詩矍矍據鞍時騁健白舍人詩矍

矍誇身健李詩據鞍空矍矍莊子庖人雖不治庖尸祝

不越樽俎

而代之矣逃聞詔除不覺手舞輶軒將至適當解成之

期

文選輔軒束錢又輔軒不知所適風俗通周泰常以歲八月遣輔軒之使採異代方言還奏藏之秘室

鞞袴以迎莫與前驅之列傾依徒切數敘奚殫

遠迎韓運使

峻陞譔閣寵建計臺以全淮之財濟唐興要觀遠略使

在泮之士修魯教仍賴主盟

文翁傳嘗選學官僮子使在便坐受事每出行縣益

從學官諸生明經飾行者與俱縣邑吏民見而榮之爭欲為學官弟子繇是大化蜀地學於京師者比齊魯焉

有地焉依非天孰相恭惟其官才全而能鉅

韓文鏗鉅發金石幽

渺感鬼神信所謂才全而能鉅者也洪适啟實大聲宏才全能鉅

德尊而行方吟六藝

之文披百家之篇世傳奧學

韓文口不絕吟於六藝之文手不停披於百家之篇

兼兩鎮之節備三公之策代有元勳

王荊公上韓魏公啟寵辭工宰歸榮

故鄉兼兩鎮之節

閱閱冠於層霄

車千秋傳無閱閱之功勞注閱積功也閱

經歷也朱博傳齋閱閱詣府杜詩閱閱冠雲霄

聲名塞乎廣寓影纓所至游刃

有餘渤海左右郡咸稱其政平

龔遂傳渤海左右郡歲饑盜賊盡起上以遂為

太守盜賊

於是悉平大江東西道游塵於禮遣以木牛以流馬備

華使之馳驅有景星有慶雲總禁屯之餽餉

瑞應圖景星者天精

也狀若半月至於晦朔助月為明王者不私則見史記

若煙非煙若雲非雲都郁紛紛蕭索輪囷謂之卿雲韓

文豈為鳳為麟為景星
為卿雲以寓其神乎

外庸懋矣上思見之方放一札

十行之詔書已動萬壑千巖之歸興

世說顧長康從會稽還人問山川之

美顧云千巖競秀萬壑爭奇李詩千巖泉灑落萬壑樹縈迴又萬壑與千巖崢嶸鏡湖裏

特立有如

此者

儒行儒有澡身而浴德陳言而伏靜而正之上弗知也巍而翹之又不急為也不臨深而為高不加

少而為多世治不輕世亂不沮同弗與異弗非也其特立獨行有如此者

當今誰舍我哉進

冊府之隆名

穆天子傳天子至于羣玉之山先王之所謂策府楊億詩羣玉天中開策府又策府

藏書在紫微

抗輶封之雅志上疆如舊號令又新且獄訟錢

穀紀綱於四司亦禮樂詩書根本乎庶政何武行部先

即學宮曹華觀風親見儒士

曹華傳自李正已盜齊魯俗益污驚華下令曰鄒魯

禮教鄉不可忘本乃身見儒士春秋祀孔子

豈謂增光於吾道豈容專美於

前人

尚書罔俾阿衡專美有商

逖聞光聲已滿衆望衣繡持斧動田

里之歡呼鳴玉鏘金看祖孫之接武某初無能解竊自

愧羞

以下與第四卷第十
二條同茲不復出

被召謝五府

紓丈二組以臨邊茂聞顯狀

嚴助傳陛下以方寸之印丈二之組填撫方外奉

尺一書而詣闕叨拜誤恩

漢制尺一之版以為詔書陳蕃傳尺一選舉晉書郝鑒謂

山濤曰宰相三日不朝與尺一歸第君何慮耶東坡詩尺一束來喚我歸許后傳蒙過誤之寵文選乞迴謬恩

以光清舉柳公權詩

不念前時誤主恩

由真宰之曲成

莊子若有真宰而不得其朕陸龜蒙

幽居賦真宰難問杜詩真宰意茫茫白樂天詩

覺孤生

真宰倒持生殺柄薛逢詩莫道鑪錘曠真宰

之易感

柳宗元詩去國竟已遠懷人淚空垂孤生易為感失路少所宜

在昔重蕃宣之

職以時修朝聘之儀故韓侯入覲而詩頌見稱

詩王錫韓侯其

追其貽奄受北國注韓侯入覲宣王使復

自夷王下堂

其先祖之舊職錫以追貽受北方之國也

而禮經寢廢

禮記覲禮天子不下堂而見諸侯下堂而見諸侯天子之失禮也自夷王以下

秦

并六國易置於守牧

秦削罷列侯為三十六郡取百粵又置四郡

漢率三歲會

課於京師

嚴助傳願奉
三年計最

雖述職固有常規而召命特為

異數季布罷歸東郡察左右毀譽之非真

季布傳布為
河東守孝文

時人有言其賢名欲以為御史大夫人有言其勇使酒
難近至留邸一月見罷布進曰臣待罪河東陛下無故
召臣此必有以臣欺陛下者今臣至無所受事罷去此
人必有毀臣者上默然慙曰河東吾股肱郡故特召君
耳
汲黯薄視淮揚何內外輕重之太甚逮我朝之立制

執公道以用人二千石之符惟歷三丞而後與

宋景祐
元年置

御史裏行舉三丞歷知縣者
為之從中丞韓億之言也

十五星之位非最一郡而

不除

宋乾道二年詔非歷兩任縣令不
除監察御史非任守臣不除郎官

宜賜環之下人

所共榮苟濫吹其中安得無愧如某者少也固賤老矣

何能

左傳鄭伯使燭之武見秦君辭曰臣之少也猶不如人今老矣無能為也又石蜡曰老夫髦矣無能

為也

鷦鷯之巢一枝難語鵬程之運蚊蚋之涉千里或因

驥尾之聯

文選蚊蚋終日營營不能越階序附驥尾則涉千里攀鴻翻則翔四海

然仙山

豈凡骨之可居

杜詩自是君身有仙骨詳見第十五卷

而宦海驚壯心之

欲折

仙傳拾遺顏真卿舉進士甲科有道士謁曰子有青簡之名可以度世上補仙官不宜自沈於名宦

之海

亟收朝蹟謬得州麾既有人民敢云其地之褊小偶

無年歲惶恤此身之勤勞拯救疲饑剷除蠹弊將三書

於吏考乃一過於農秋

尚書若農服田力穡乃亦有秋

官謗僅逃

左傳齊侯

使敬仲為卿辭曰羈旅之臣敢辱高位以速官謗源乾曜詩竊位思官謗

侯庸何有分宜歸

於田野名乃掛於朝堂出詔旨以徵還沐寵光而賜對

自度無慷慨之論備採擇又恐以綿脆之力孤使令

嚴助

傳綿力薄材注綿弱也言其柔弱如綿

忝冒有慙懇辭弗獲抑豈軫門牆

騎履之舊

賈子昔楚昭王與吳人戰楚軍走而履決行三十步復旋取左右問曰何惜一騎履乎王

曰楚國雖貧豈愛一騎履哉思與偕出而弗與入也文選江漢之君悲其墜履羅隱詩遺簪墜履應留念門客

如今只

故得在天地化冶之中

莊子以天地為大鑪以造化為大冶

茲蓋

伏遇某官古社稷之臣今文武之特

詩百夫之特韓詩英雄桂林伯實惟

文武

闢四方衆正之路

尚書闢四門劉向傳杜羣枉之門廣衆正之路

植萬世

太平之基

劉向傳決斷狐疑分別猶豫使是非炳然可知則百異消滅而衆祥並至太平之基萬世

之利

念匹夫匹婦若納之溝中務推仁而博愛

韓文古之君子

相其君也一夫不獲其所若已推而納之溝中又博愛之謂仁

謂吾君吾相豈後乎天

下欲更治以考功

韓文陸君之道行乎朝廷則天下望其賜刺一州則專而不能咸先一州

而後天下豈吾君吾相之心哉方秋崖啟以去帝城不遠耳冀潤九里以及京師然豈君相之意哉乃先一州

而後稍稱其理之良悉在旁招之列

尚書旁招俊又啟迪後人蓋聖

朝自無於棄物

杜詩聖朝無棄物老病已成翁羅隱詩聖代也知無棄物

而大造奚

有於私心

左傳師克還無害則是我有大造於西也

致此隆恩加諸蔓品其

敢不益勤鞭策仰副埏陶長者如公宜長者是知猥及

雲中之守

田叔傳孝文帝立召叔問曰公知天下長者乎對曰臣何足以知之上曰公長者宜知之

叔頓首曰故雲中守孟舒長者也

國士遇我以國士相報願推豫子之

忠豫讓為智伯報仇趙襄子數之曰子事范中行氏智伯滅之不為報仇反臣智伯智伯死子何為之報仇

之深也讓曰范中行氏以衆人遇我故衆人報之智伯以國士遇我故國士報之

過此以還未

知所措

賀葉潛賜章服

伏審轉餉日邊拜恩天上肆加三品之服宜為六轡之光恭惟懽慶切以某官見謂通材奮由名閥功名自以身致術業本於家傳以醞藉之姿儀郎曹以清婉之畫

登宰掾

翟方進傳今丞相宣請遣掾史以宰士督察天子使命大夫

屬京輦之擇使

輟禁班而建臺剗犀之鋒立斷於事叢

王褒傳巧冶鑄千將之模水斷

蛟龍陸剗犀革柳文操刀必剗豈謝剗犀顧雲啟身弓落厲心劔剗犀

叱馭之鞭居多於

神算課功為諸路之最蜚聲達九陛之間審眷彌隆華

褒狎至金章曳紫庸增煥於朝衣

宋制三品以上服紫唐馮伉對殿中賜金

紫服篆字盤紅尚復傳於相印

李賀詩獨垂重印押干官金科篆字紅屈盤

某

欣聆除目倍激懽悰引賀履以莫遑致頌言而惟謹

賀陳郎中

嚴宸出令憲部升華

唐天寶中改刑部為憲部

平反之惠久著於棘

林蘊藉之風采高於錦帳

漢百官志郎官有錦帳李詩錦帳郎官最杜詩蘊藉為郎

久又叨陪錦帳坐

得人之慶在野所同恭惟某官荆璞渾成昆

鋒利用立卓卓可稱之行負多多益辦之材

韓信傳如臣多多益

辦耳陳讜啟綬若若以

讀萬卷之書妙能探於古義

伏

傳以古法議

傳三尺之律偉自奮於殊科

杜周傳不循三尺之法注

決疑大獄

以三尺竹簡

廷中擅持平之稱

張釋之傳廷尉天下之平也又釋之持議平

書法律也

民心喜好生之洽

尚書好生之德洽於民心

渙龍光於三接

詩為龍為光易

晝日

三接表翟瑞於羣瞻得古之遺孰比令狐之直

唐令狐晁為刑

部員外郎上疏諫山陵事詔

答曰古之遺直何以加焉

由衆而選行顯皋陶之仁

步武禁塗翊扶興運某側聆嘉命倍激懽悰敢倩郵傳

之書敬致履成之賀

賀謝丞相除少保

前疏疏寵

家語聖王
冕而前旒

左棘升班

周禮左九棘孤
卿大夫位焉

論一相

而百吏嚮方久藉彌綸之益

荀子若夫論一相而兼率
之使羣下百吏莫不宿道

嚮方而務是夫人主之
職也注嚮方謂不迷亂

曰三孤者貳公弘化聿觀名數

之隆

尚書少師少傅少保
曰三孤貳公弘化

麻制渙敷輿情允穆恭惟某

官大名懸日浩氣塞天以文章黼黻乎帝躬

柳文竊聞
天孫專巧

於天輶轄璇璣經緯星辰能
成文章黼黻帝躬以臨下民

以道德經緯乎國事子玉

係輕重於楚翕然公望之歸

陳湯傳楚有子玉得臣文
公為之仄席而坐子玉楚

大夫得臣其名也左傳子玉帥師與晉文公戰於城濮楚師敗績晉師三日館穀而文公猶有憂色曰得臣猶在憂未歇也及楚殺子玉公喜而後可知也傳喜傳楚以子玉重輕魏以無忌折衝阿衡實左右

於商簡在帝心之久翊元聖於艱難之地鎮浮俗以渾

厚之風邦本不搖朝綱益振聚精會神於一堂之邃

王褒

傳聚精會神相得益章

折衝壓難於千里之遐

辛慶忌傳折衝壓難勝於無形家語

明王之道其守也則必折衝千里之外其征也則必還師衽席之上掀蟄奮雷拔羣賢於

幽滯

月令仲春雷乃發聲蟄蟲咸動王充論衡雷入地則孕毓根莖保藏蟄蟲避盛陰之害出地則長養

華實發揚隱伏宣盛陽之德劉賓客集譬諸蟄蟲坏戶而死者與夫槁死亦無以異矣春雷一震必歆然翹首

與生為徒況有吹律者召東風以熏之其和也益速
呂和叔文如幽蟄聞春雷而起榮英望和風而拆

雲降雨開九扈之豐稔

禮記天降時雨山川出雲左傳九扈氏為農正注扈止也謂止

民使無過時九扈農桑九候鳥也春扈鴈鵠夏扈竊玄

秋扈竊藍冬扈竊黃棘扈竊丹行扈喈喈宵扈噴噴桑

扈竊脂老 勲紀銘乎旂常

尚書厥有成績紀於太常

思華洽於衮舄

詩衮衣繡裳又赤舄几几

方壽秩行東朝之慶

白樂天詩已開第七秩又行開第八秩司

馬溫公致語歲月行開九秩新益以十年為一秩也詳見第十四卷叔孫通傳惠帝為東朝長樂宮灌夫傳東

朝廷辯之注東朝太后朝也慶元元年上太皇太后太上皇后尊號

使徽名齊太極之高

詩太如嗣徽音

悉賴忠謀有裨孝理

杜詩聖朝新孝理又孝理敦國政

爰修延

登之典載崇特置之儀家國兩榮人天胥慶汝作舟汝

作礪方柄用之獨尊公為保公為師又綸褒之相繼大戴

禮昔者成王在襁褓之中召公為其猥持弱植左傳子

曰其君弱植閭閻傳淺表弱植之徒王勃傳弱植一介

窮塗千里李白集白以弱植蚤飲香名又弱植不足援

文選弱植慕端操嚴維詩弱植無成秋水萍張南史詩弱植素寡偶溫庭筠啟伶俜弱植憔悴孤根允託

元鈞亟欲引置於天霄猶復滯留於客路茲聞顯拜頓

起懦衷望鵷閣而未前益鞭下乘青箱雜記海有魚

降雨漢柏梁臺災越王上厭勝之法乃大起建章宮尾似鵷用以噴浪則

遂設鵷魚之像於屋脊以厭火災即今之鵷吻是也賀

燕宮而敢後祗達空函

殷浩傳桓溫將以浩為尚書令遣書告之浩將答書慮有謬誤

開閉者數十竟達空函李商隱啟寓尺牘而畏達空函寫丹誠而慚非健筆又比殷浩之空函情同事異望孫弘之東閣魂往形留

遠迎鄧蓮使

輟自柱星按臨濡水邊方將漕何足煩言語之從臣吾

道統盟獨喜得文章之宗伯奏牋恐後負弩宜先恭惟

其官具卓爾不羣之才全浩然至剛之氣楓宸奏策聯

雙鳳之雄名

文選楓槐被宸注宸天子之殿庭也言樹此木於宸中隋魏景義景禮皆有才行少

稱雙鳳又崔懷為侍中弟仲文為銀青光祿大夫同日受祿時云兩鳳聯飛

藻泮繙經集三

鱣之佳識當路爭為之鼓譽公車亟至於特招來游周

行默簡上聽且御史嚴六察官之選

宋元豐中李定請復六察於是以前

史專領六察以吏部及審官東西三班院隸吏察戶部三司及司農事隸戶察刑部大理寺審刑院隸刑察兵部武學隸兵察禮部太常寺隸禮察少府將作等隸工察而天子重七爭臣之員忠

良得路自古以甚難

蔡襄詩當年流落丹心在自古忠賢得路難

慷慨敢言

如公者有幾

杜詩如公有幾人

偉高騫於一鶚旋進直於二螭

方君聽既專思明目張膽而論報

唐韋思謙進御史大夫曰大丈夫當敢言

地當明目張
膽以報天子

苟廟論不合宜持橐簪筆之可留去國有

榮觀風無斃

韻元傳元始四年選明達政事能班化風俗者八人為繡衣使者分行天下觀覽風

俗

且來自軒墀者必具知於上意而分任耳目者初無

間於外臺

謝夷吾傳第五倫薦夷吾曰尋功簡能為外臺之表

六轡先聲百城改

觀

賈琮傳琮為交州刺史升車褰帷百城聞風自然震竦

三山論譔姑有華原隰

之行四海具瞻將復正廟堂之位其短鳧難續

莊子鳧脰雖短

續之則憂鶴脰雖長斷之則悲羅隱啟道薄而魚腮易暴計疎而鳧脰難加

小鼠易窮愧此

身之飄飄

文選飄飄遠遊之士托身無人之鄉杜詩飄飄愧此身又我身本飄飄又飄飄何所似又

何異飄飄

踵窮途之役役來為博士恍經韓愈之三年

托此生

韓文三年博脫自窶人謬得阮咸之五薦

霍光傳諸儒生多窶人子

士冗不見治阮咸字仲容山濤薦咸為吏部郎武帝不用詳見第二卷

蓋造物憐其久困

莊子偉哉夫造

者故諸公樂於相成復有二天來照半水雖更成之已

迫在依歸而甚勤偶纏採薪之憂稍稽削牘之禮

原陟傳削

牘為疏注牘木簡也

守與潔而晞白日遂少舒窮局之懷

王象傳去卑辱

與潔而升本朝注與幽也潔汙也言蔽與汙潔不章顯也

舍巖穴而附青雲尚可借

飛騰之勢

伯夷傳閭巷之人欲砥行立名者非附青雲之士惡能施於後世哉

通交代徐教授

招諸生而來前徒勞駕說

韓文國子先生晨入太學招諸生立館下誨之曰吁子來

前法言仲尼駕說者也

賴君子之在後繼作主盟將拂開吾道之

光庶祛去昔時之陋緘魚有請秣馬無留

詩言秣其馬文選秣馬脂

車秣飼也

恭惟某官奮藻含章

易含章可貞柳文進於禮司奮藻含章

佩衡帶

矩太史公宜其有子能傳金匱之書

史記太史公既掌天官不治民有子

曰遷為太史令絀史記金匱石室之書

杜陵人自足名家不負草堂之句

杜詩舍弟尚為蒼水使名家莫過杜陵人

再舉皆為鄉士

呂氏春秋不疾學而能為鄉士名人

者未之有也韓文名

一第徒以溷公

唐元結少不羈年

人魁士鮮不與善天寶中舉進士禮部侍郎楊浚見其文曰一第混子耳

有司得子是賴舉擢上第劉後村啟顧修名之方起何

一第之少年合綰於銀黃

楊僕傳懷銀黃垂三組銀黃

足云

鳳昭名譽能事乃落於朱墨

後周蘇綽始制文案程式朱出

詩胡然落朱墨不坐致公侯洪平齋啟朱出墨入亦既

勞止黃榜紫標其能幾何李梅亭啟舍對白抽黃之業

為出朱人思得英才而教育要知師道之尊嚴矧是濡

墨之謀須素多俊傑龍虎榜頭之妙選

科舉記唐貞元八年陸

新柳詩榜中得人如賈稜陳羽歐陽詹李觀馮宿王涯

李傳張季友劉遵古許季同韓愈李絳庾承宣元結胡

諒崔羣邢冊裴光輔萬當等皆天下孤俊偉傑之士時
稱龍虎榜一統志焦蹈無為州人宋元豐中因禮部貢

院火別試

蹈為第一貂蟬門裏之貴游

漢儀惠文加金璫附蟬為文貂尾為飾謂之貂蟬詳

見壯觀鄉邦權與學校在昔傳道而授業

韓文師者所以傳道授業

解感也

或重來握節而剖符

左傳司馬握節以死高帝紀剖符封功臣

正恐遺

風之寂寥又得名流而振起斯文未墜為木鐸非天乎

所學既行上玉堂有日矣

揚雄傳歷金門上玉堂有日矣

某離奇多難

鄒陽傳蟠木根柢輪囷離奇柳文離奇詰屈縮慙巔屹

拓落一官讀書老矣而無

聞學問久焉而不講苔荒茅屋蚤欲賦於歸來

杜詩先生蚤賦

歸去來石田
茅屋生蒼苔

瓜戍葵丘幸及時而受代聞公子之名已

舊告令尹之政必新深愧拙疎正祈全護一門自為師

友必有異聞百世以示子孫勿忘永好

王元之詩古人重交代子孫不

相忘詩非報也永以為好也

賀顏中書

擢登鳳掖

唐龍朔中改中書舍人為鳳閣舍人

就直鰲扉天寵便蕃兼內

外絲綸之職地分清切冠左右簪索之流本朝並尊在

野同慶恭惟某官閩山奇寶

閩山一名烏石山在福州去州一里

辟水倫

魁從古人中求之為天民先覺者以大學有用之道盡

障狂瀾

韓文迴狂瀾於既倒障百川而東之

當皇極無偏之時長驅熟路

復踐錦窩之署旋升金掌之班俱以大手筆之文章兼

此小玉堂之詞命

漢書注晉灼曰黃圖有大玉堂小玉堂殿此謂中書為小玉堂

豈特

盡風雷鼓舞之妙抑有資日月獻納之忠渙數十行榮

佩兩印藥階苔砌驚逸思之湧泉

謝朓直中書省詩紅藥當階翻蒼苔依砌

上霧閣雲牕承恩華而起草

徐彥伯贈劉舍人詩鳳池環禁林仙閣霧沈沈杜詩

晴牕檢點白雲篇淮南王傳召司馬相如等視草注草謂為文之藁草

書僮供簡札之不

暇藝臣識模範之有歸服在禁聯允穆僉論宜為帝誥

得常揚元白之全才

韓文穆宗嘗言王仲舒之文可思最宜為誥唐藝文傳序制冊則常

袞楊炎言詩則元稹白居易宋李迪薦鄭戢訓詞深雅有常揚風謝絳權知制誥文章曲雅有元白風陳瓘啟

文宜為誥制可舉行

佇秉國鈞奮稷契夔龍之遠業其久縻縻粟

行解戎爪雖諸生未免於私嘲而要人每為之延譽冗

階可脫華閥有歸遯聞清除頓使懦立念奏記之不敏

朱博傳文學儒吏時有奏記

顧嚮風而敢忘

儒林傳天下學士靡然嚮風矣晉戴邈傳仲尼

修禮興樂於洙泗之間天下學者靡然嚮風

窺鳳凰五色之文屬饜已久

左傳

屬屢而已

慰燕雀半生之願賀履采勤

杜詩桑麻深雨露燕雀半生成

賀婁寺丞

按宋史婁機字彥發嘉興人乾道二年進士為祕書郎時太子始就外傳以機

兼資善堂小學教授隨事開明多所裨益遷太常丞仍兼資善

清禁疏恩

韓詩還從清切禁再沐聖朝恩

奉常列職禮云禮云宜專於

用玉帛

禮樂志安上治民莫善於禮蓋嘉其敬意而不及其財賄故孔子曰禮云禮云玉帛云乎哉

丞哉丞哉非止乎行文書

韓文丞位高而偏例以嫌不可否事文書行丞涉筆占位

署博陵崔斯立為丞於邑喟曰丞哉丞哉予不負丞而丞負予

必賴通明道德之儒乃

能洽暢神祇之意恭惟某官學傳聖後才出人先胸中

藏三萬軸之遺言

韓詩鄴侯家多書插架三萬軸東坡詩讀過牙籤三萬軸筆下寫

五十絃之古調

漢志泰帝使素女鼓五十絃瑟而悲故止為二十五絃金之災啟膏馥三萬軸

之牙籤曲調五十絃之古瑟史惟府致語筆下五十絃錦瑟胸中三萬軸牙籤

圓冠特立孰云

魯國之多儒

莊子曰魯哀公曰魯多儒士少為先生方者莊子曰魯少儒哀公曰舉魯國而儒服何

謂少乎莊子曰周聞之儒者冠園冠者知天時履約履者知地形綰佩珕者事至而斷君子有其道者未必為其服也為其服者未必知其道也公固以為不然何不號於國中曰無此道而為此服者其罪死於是哀公號之五日而魯國無敢儒服者獨有一丈夫儒服而立乎公門公即召而問以國事十轉萬變而不窮莊子曰以魯國而儒者一壽杖給扶未許漢庭之用少

孔光傳賜人耳可謂多乎太師靈壽

杖注靈壽木名似竹有枝節長七八尺圍三四寸自合杖制不須削治詩釋文橫即今靈壽也節中腫以扶老

李靖傳授持進就第加賜靈壽杖山谷詩殿內給扶鳴漢履螭頭簪筆見秦冠來登鷺序能進

鯁言秘府仰賢望之高風俗通秦周常以八月輜軒使採異代方言藏之祕府漢藝文

志諸子傳說皆充祕府劉歆書古文舊書藏於祕府伏而未發善堂得師賢之益燕翼

錄大中祥符八年仁宗封壽春郡王以張士遜崔遵度為友講學之所為資善堂結知宸宸擢

贊容臺訪黃鐘而衆樂和已洽聞於議論後周論長孫紹遠為太常

廣召工人創制樂器土木絲竹各得其宜惟黃鐘不調紹遠每以為意當因朝退經韓使君佛寺前過浮屠三

層之上有鳴鐸馬忽聞其音雅合宮調取而配奏方始克諧唐李嗣真傳高宗時擢太常寺丞太常缺黃鐘不

能成嗣真居崇業里疑土中有之弗得其所道上達一
車有鐸聲甚厲嗣真曰宮聲也市以歸振於空地若有
應者掘之得轉洪鈞而八荒壽行大究於施為某倦作
鍾衆樂遂和

西遊幸嘗北面曲借齒牙之助

南史謝朓好獎人材會稽孔閎有才筆未為時

知孔珪嘗令草讓表以示朓朓嗟咏良久手自折簡薦
之謂珪曰是子聲名未立無惜齒牙餘論羅隱啟言泉
晚浹未忘淘濯之功譚栢時迴別借齒牙之助洪适啟
齒牙借譽每叨華袞之褒羽翮問程有待洪鈞之播方
秋崖啟微如腹背之遂令羽翮之生

王尊傳羽翮不修則不可以致千里

中山王傳羽翮飛肉班固傳進有羽翮奮翔之用又竇
羽翮之美用非徒腹背之毛蘇武報李陵書使入湯之
禽復假毛羽趙壹傳所好則鑽皮而出其毛羽陸士衡
集使枯朽之條更與秋蘭並芳陸沈之羽復與翔鴻撫

帥權天上隆名已近三臺之日月

權德輿祕書省壁記
魏晉之際祕書與中

書或分或合故云職近日月宜居在三臺上丞郎之任
與南宮相亞王肅論祕書表青龍中議祕書丞郎與博
士議論同職近日月宜在三臺上祕書丞郎儀宜比尚
書郎侍御史今侍御史乘犢車奏事用尺一祕書丞郎
乘鹿車猶用尺奏恐非陛下崇儒之本
意會要諸路安撫以直祕閣以上充掌淮邊巨鎮實雄

九郡之山川

淮南西路廬
壽等凡九州

建令聿新提封采廣恭惟甚官

氣岸高雅量陂宏深九千里上絕於雲霓影影壯翼

四十圍寒通於霜雪挺挺貞姿

杜詩霜皮溜雨四十圍
又雲來氣接巫峽長月

出寒通
雪山白籍甚最聲洽於聰聰嶺以南舍棠方綠江之東

翼唐文粹生其毛羽長其光價柳文假以羽翮偶之騫
騰又脫麟介生羽翼又插羽翼生風濤劉賓客集表而
出之為生羽翼駱賓王詩倏忽搏風生羽翼杜詩念君
惜羽翼韋應物詩誰當假毛羽雲路相追隨東坡啟特
借齒牙曲
成羽翼 忽聞顯除頓使懦立成弟子為博士久切依

歸孔光傳會門下諸生講問疑難舉大義云其
弟子多成就為博士大夫者詳見第六卷 起客館
延賢人終煩料理 王獻之傳獻之為桓溫車騎參軍溫
謂曰卿在府久比當相料理詳見前

其為開懌莫罄占陳

賀韓安撫

宋江東安撫司
治在建康府

輟自計部

戶部曰計部亦曰計省晉安平王孚傳
魏文帝置度支尚書專掌軍國之計

易界

卧宜天子側席以思

文選側席求賢不遺幽賤

高牙大纛未足為公

榮喜家風之故在

歐陽公畫錦堂記高牙大纛不足為公貴

玄

袞赤舄入趨於王覲知相業之有傳

詩王錫韓侯玄袞赤舄杜祐碑玄袞

赤舄在帝左右

其初匪師模久茲客食守與突而晞白日方切

照臨

漢書叙傳守突與之焚燭未仰天庭而睹白日也注爾雅東南隅謂之突西南隅謂之與柳文守突

與者忽仰晞於白日負汎塗者遂自濯於清源

哀窮涸而轉清波遽蒙援引

韓文

大江之濱有怪物焉其窮涸不能致乎水為獮獫之笑者蓋十八九矣聊試仰首以鳴號焉庸詎知有力者不哀其窮而轉之清波乎賂賓王集出籠窮短翮委轍涸枯鱗又涸鱗濡沫常缺望於鯨波決羽槍榆頗思遷於

倉粟又紅升延閣之班以領轉輸借列卿之尊而總饗

饋胡中召之弗就惟外勞之是宣方聞駒轡之及郊又

被麟符而分閭

隋樊子蓋傳為河東內史文帝命留守東都曰社稷大事終以委公凡可施行

不拘形迹今為公別造玉麟符以代銅虎比之蕭何寇恂云杜詩分閭救世用賢豪帝亦念驅馳

之久備見長才公其當屏翰之雄庶觀遠略父老母煩

於瞻悵土疆復在於按臨大府肇開殊邦震竦云是軍

中一韓之後

宋名臣言行錄軍中有一韓西賊聞之心膽寒軍中有一范西賊聞之驚破膽足

當肥口萬師之強隱然金湯照乎草木使邊民高枕而

鶯樹劉長卿詩恩波自解惜枯鱗李處全
既千載之見

遇

文選特達而相知者千載之一遇

忽二天之寢遙雖難忘戀軒之情

文選棄席思君惟疲馬戀君軒李白集解達積年伏
戀軒屏又天馬歌天馬奔戀君軒矯躍驚鴻浮雲翹其

敢廢賀厦之禮惠沾丹鼎幸已令鷄犬之皆僊

列僊傳淮南王

臨僊去餘藥鼎在庭中鷄犬舐啄之皆得飛去王建詩
人間雞犬同時去遙聽仙歌隔水烟鄭昭先啟鳳鸞高
舉試觀君子之逢辰雞犬俱仙尚覩賢人之引類方秋
崖啟舐鼎餘五色之丹曾羨淮南之雞犬棄車下千金
之骨不幾冀

誠寓素書張莫與牛馬之下走

古詩中有尺素書司

馬遷傳太史公牛馬走注自謙言牛馬之僕蕭望之傳
下走庶幾願竭區區注下走僕役也又下走將歸延陵

之舉文選辟書

始下下走為首永言傾嚮未易占陳

鄧漕到任謝五府

抗章請外自知無補於周行仗節行邊猶恐有孤於造化拜恩特達撫已凌兢伏念某生自窮遐際於明世小器乏準繩之用凡材怯斤斧之加蚤竊吹於朝紳俄受知於帝宸擢居風憲思明目張膽以報君

宋王舉正論張堯佐秋青

事不從請改言職上稱其得風憲體

初乏辰猷惟直情徑行而忤主

詩遠猶辰

告

騎省游司於言職

百官志門下省左散騎常侍二人正三品下掌規諷過失侍從顧問

中書省右散騎常侍二人白居易行歸登制近侍之制
騎省為貴備顧問應對之選列言語侍從之臣周必大
賀何大諫啟演誥鳳池升班騎省陳虎闥參與於講察
諫賀林司諫啟親擢鴻儒晉登騎省
周禮師氏以三德教國子居虎門之左文選入虎闥而
齒曹注虎闥教國子之學所也宣室志王融以國子監
為虎闥進石坳和墨之班續金匱汗青之典一時華選小

已堪難

王文公集小已知難於上稱朱輅
啟言念大鈞之造曲矜小已之私

進有維谷之

憂退作歸田之計何期誤渥遂及庸流論謨三山覺光
華之有遠澄清二路信責任之匪輕矧桀驁之敵在旁
而凋瘵之民未復嚴為備禦寬作撫摩是必有將指之

材斯不負臨遣之意愧茲忝冒竄有黃緣

杜詩萍汎若黃緣又君看

鄭谷去黃緣韓詩青壁無路難黃緣

此蓋伏遇某官社稷忠謀朝廷偉望

用人傑籌帷幄共成可大之勲居台相總權衡一本至

公之道輔贊彌縫而藏諸用

唐書杜房贊丞相所以代天者也輔相彌縫而藏諸

用使斯人由而不知非明哲曷臻是哉方秋崖賀史督相啟輔贊彌縫藏諸用惟恐衮衣之歸發縱指示著其功願決籌帷之勝

包涵徧覆而無所殊遂令去國之蹤亦玷觀

風之選其敢不堅持素節祇服清箴分天子耳目之司何

拘内外

隋文帝紀詔民間情偽誠欲備聞已詔使人所在振恤分路揚鑣將徧四海必令為朕耳目

依大臣股肱之力尚保初終

謝侍從臺諫

自注亦代鄧潛

立右陞以記言難汙清貫

晉書文苑傳駕彼詞人共流清貫柳文累歷清貫茂著名

節顧況集驟居清貫

行邊臺而將指更冒優恩竊自揆量若為膺

荷伏念其戇愚自用黠淺寡聞

點下八切韻會慧也桓溫謂顧愷之體中癡點

各半山谷詩小點大癡螳捕蟬

三十年孤於外官誰為知己

終軍傳孤於外官

六百石出於上命敢不盡言積仇怨而浸深蒙眷簡之

特達置之四諫則堪嗤於汲直

宋慶歷中厭天下久敝選用歐陽修余靖蔡襄

王素為諫官號曰四諫詳見第十七卷賈捐之傳置之爭臣則汲直注汲黯方直故世謂之汲直文選汲長孺之正直陳譴啟願追本朝四諫之風即繼南朝三相之武余崇龜啟寢淮南之謀共推汲直作商家之輔必在尹列在二史則有愧於遷良

西京雜記司馬遷發憤作史記百三十篇先達稱為

良史之材司馬遷傳劉向揚雄博極羣書皆稱遷有良史之材司馬索隱班固贊比良遷董兼麗雲卿

俯

仰昧桔槔之相隨

莊子子不見桔槔者乎引之則俯捨之則仰彼人所引非引人者也故俯

仰而不得罪於人

進退懼疾藜之非據

易困于石據于蒺藜

宜從遠屏猶

得顯除濡須水之要津觀風有耀蓬萊山之秘府列職

為高凡此僥踰知所歸嚮此蓋伏遇某官受天間氣

玉堂

遺範韓弘制天毓間氣時推上材楊矩行韓建制星緯炳靈山河間氣楊巨源詩間氣登三事又廟謨膺間氣劉長卿詩間氣生真宰又大材生間與日爭光淮南子離騷蟬

蛻於濁穢之中以浮游塵埃之外嶢然而不滓推此志也雖與日月爭光可也王荊公詩意氣與日爭光輝

論議法座之前洞明國是


桓溫傳楚莊王問孫叔敖曰寡人未得所以為國是也叔

敖曰國之有是衆所惡也恐王不能定也王曰不定獨在君亦在臣乎對曰君驕士曰士非我無從富貴士驕君曰君非士無從安存人君或至失國而不悟士或至飢寒而不進君臣不合則國是無從定矣莊王曰善願相國與諸大夫共定國是也

扈從屬車之後益聳民瞻挈善類以同

升軫危蹤之獨去曲加獎飾復玷使令某敢不持守益

堅激昂匪懈方此整駒騏之駕少效微勞幸當廁駕鷺
之行尚依餘庇有懷戴荷罔究輸陳



橘山四六卷五